

皇明通紀法傳全錄

皇明通紀法傳錄卷十七

東莞 陳 建 著 西湖高汝棡 訂

高鼎煒 校

宣宗章皇帝紀

帝文皇帝長子張皇后所生也文皇帝初有易儲之意見帝英敏解縉復贊曰

好皇孫文皇因立帝為太皇孫仁宗龍

升遂即皇帝位在位十年以乙卯正月初三日

崩年三十七上徽號曰憲天體道英明神聖欽

文昭武寬仁純孝章皇帝廟號曰宣宗葬景陵

丙午宣德元年正月擢文選司郎中鄭誠為吏部右侍

郎○都督府歲供柴炭役及邊軍至是陽武侯薛祿言

宣府德安未寧諸衛俱臨邊境將士當嚴守備又令採

辦柴炭致多逋逃乞罷其役詔從之○三月太子太保

禮部尚書呂震卒

江盈科曰震之卒也何足書于嘗聞告子云有性不善孟氏聞之然文廟大臣若陳瑛與震殆真所謂性不善者瑛遇物即整震極佞居齒皆瑛瑛蛇蝎心震媚優然震欲殺死方賓殺夏原吉瑛使而又不善若夫瑛若苦使文遺臣殺之族之無非結文廟懼心亦即所以為佞害兩臣真惡人哉瑛誅震善死幸不幸耳特書之以警性之不善者

以胡濙為禮部尚書先是濙為禮部左侍郎仁宗以濙在末樂中嘗有密疏疑之改為太子賓客兼南京國子監祭酒至是上知其忠誠召陞是職○

上諭順天府尹驥等曰古之仁政必先鰥寡孤獨立設養濟院意正在此近聞京師頗有殘疾饑寒無衣之人

行乞。爾爲親民之官。何得漫不加省其悉。取入養濟院。毋令失所。

高汝材曰。厯時禁城。甸者分置病坊。于諸寺以康之。亦謂之悲田院。卽回初所云養濟院也。今京師。時爲燭燭幡竿二寺。從古都會之地。乞丐遊食者衆。故唐宋以來。皆有悲田之設。第不知當時有司奉行何如。若今燭燭幡竿二寺。所養貧人。不及萬分之一。呼號凍餒。充徧天街。不可聽聞。則二寺之設。亦何爲耶。以胡壽安爲新繁知縣。

壽安在縣。止食脫粟。佐以園蔬。未嘗啖肉。其子私雞而食。安怒。遂遣之歸。其僚勸慰之。安曰。君不聞箕子之補象箸乎。象箸無幾。而基亾國。故曰。吾畏其卒。怖其始。或輩讀書起家。期于砥礪自見。久而身處脂膏。固沾成潤。因潤而汚。敗名喪檢者。踵相接也。矧夫膏粱之子。生長宦室。菽麥不分。稼穡不諳。若恣所欲。如水之流。不爲隄防。下流之勢。將安底止。隄防變。則性堅而載。逆有其基。故吾靳食雞于吾子。非不愛之。惧以

愛之之道哉之也。勝云、菜根嘴斷。百事可辦。其餘明
然嘆曰。謹佩之矣。

○二月巡按浙江監察御史尹崇高奏言朝廷近差內
使于浙江市買諸物。每物置局拘集動擾。供給繁勞。朝
廷所需甚微。民間所費甚大。上諭工部尚書吳中等
曰。差遣中人本出權宜。豈知勞擾如此。今詔書已罷買
諸物。若買完者。卽令回京。未完悉皆停止。○三月上
聽政罷。御左順門。語侍臣曰。朕祇奉 祖宗成憲所

諸司事。有疑礙而奏請者。必命考舊典。蓋 皇曾祖肇
建國家。 皇祖 皇考相承。法制詳備。歷涉世務。練
達人情。謀慮深遠。子孫遵而行之。猶恐未至。世之作聰

才不足以
當其任
當謂何

宣廟柄用陳山張瑛待仁廟柄用楊士奇黃淮皆
赤宮舊恩也然山瑛品不逮前皆不得久居內閣後
亦無稱焉

明亂舊章。馴至敗亡。往事多有可鑒。古人云。商周子孫。能守先王之法。至今猶存。此誠確論。○權戶部左侍郎陳山。爲戶部尚書。兼謹身殿大學士。改禮部右侍郎張瑛。爲左侍郎。兼華蓋殿大學士。並入內閣。參贊機務。

以成山侯王通爲征夷將軍。充總兵官。討交趾。尚書陳洽。參贊軍務。安平伯李安。掌交趾都司事。削陳智方政官爵。○上親朝罷。御文華殿。蹇義。夏原吉。楊士奇。楊榮。侍。上曰。太祖皇帝祖訓有云。四方諸夷。及南蠻小

其差在張
輔贊紹兩
人俱取回
耳

國限山隔海。僻在一隅。得其地不足供給。得其民不足
使令。又云。若有不自忖量。來擾我邊。彼爲不祥。彼不爲
中國患。而我興兵伐之。亦爲不祥也。吾恐後世子孫。倚
中國富強。貪一時戰功。無政興兵。切記不可。後因黎氏
弑其國主。毒害國人。太宗皇帝。不得已。有弔伐之師。初
意。但討平黎賊。之後。卽求前王子孫立之。蓋興滅繼絕
之盛心也。而前王子孫。爲黎賊殺戮已盡。乃徇土人之
請。建郡縣。置官守。非出太宗本心。自是以來。交趾無歲
不用兵。一方生靈。遭殺已多。中國之人。亦疲于奔走。其
矣。皇考常念及之。深爲惻然。故卽位之詔。於彼特原。

此正斟酌
于初平交
趾之際便
覺渾然無
迹到今便
難措手

昨日遣將出師。朕通夕不寧。誠不忍生靈之無辜也。反
覆思之。只欲如洪武中。及永樂初。使自爲一國。歲奉常
貢。以全一方民命。亦以休息中土之人。如何。義等皆未
有對。上曰。此固不背。祖宗之心。義原吉對曰。太宗
皇帝平定此方。勞費多矣。今小醜作孽。何患不克。若以
二十年之勤勞。一旦弃之。豈不上損威望。願更思之。
上顧士奇。榮曰。卿兩人云何。對曰。陛下此心。固天與
祖宗之心。交趾于唐虞三代。皆在荒服之外。當時不有
其地。而堯舜禹湯文武。不失爲聖君。漢唐以來。交趾雖
常爲郡縣。叛服不常。喪師費財。不可殫紀。漢元帝時。珠

厓反發兵討之連年不定有司議罷珠厓郡前史稱之
夫元帝中主亦能布仁行義如此況陛下父母天下何
用與此豺豕輩較得失邪原吉日容臣等四人更審思
以對上曰但朕素志如此本不係用兵之如何明日
士奇榮奏事畢上曰昨日所論交趾事朕意有在矣
卿兩人意與朕同第未可以遽言耳○阿魯台脫歡各
遣人朝貢○諭吏部選官須得其人吏部尚書蹇義等
奏請選官上諭之曰庶官賢否關國家之治亂掌銓
衡者以進賢退不肖爲職一事得人則一事理一邑得
人則一邑安推之庶政達之天下無二致也朕嗣承

疏外戚事
及歷代
臣鑒
平恕二字
刑官要錄

祖宗大統維新治理以安民生選賢任能尤為切要占
人取士于鄉以其道藝著聞有素後世以言貌求其底
蘊益亦難矣況篤實之士率多恬退便辟之才巧于進
取非至公無以勝私非至明無以格物嚴選舉以遏冗
濫精考核以防矯偽毋俾小人貽患于民斯其善矣古
之大臣以賢事君國家膺福蒼生受惠聲名流芳于未
世卿等勉之○御製外戚事鑒及歷代臣鑒二書成頒
賜群臣及外戚○五月諭三法司審錄囚繫務存平恕
○以四川按察使陳建為南京通政使掌國子監事
陳廣東東莞人舉于鄉初為桂林教授遷國子助教
未幾移近臣言建治才不置置之散地權知許州
皇明去尊錄卷之二十一章皇帝

改滁州以寬厚爲治均徭役時征敵禁奸輯暴民用
大和文皇巡幸北京所過先遣廷臣察吏治詢民
隱治有異政者加陞擢焉衆言滁績最著滁人恐失之
詣關乞留遂陞揚州府知府仍掌滁州事在滁十年
嘗屏同考會試進巡行嶺平胡頊鏡鼓吹擢四川
按察使治績尤著會吏部言曉素有文學乃召改是
職添民思之記之于醇翁亭與
歐陽修王禹偁爲三賢祠云

遼東總兵官武進伯朱榮奏朵顏衛指揮哈剌哈孫等
朝貢不至請掩擊之上曰古者御夷秋來不拒去不
追今雖不朝貢亦不擾遼遼加以兵非懷柔之道遂勅
榮曰取夷宜寬用兵宜審況虜多詐未可輕忽但整飭
部伍謹慎隄備其來不來未足較也○八月京師地震
○帝卽位賜高煦視他府特厚高煦日有請及言朝政

上曲徇其意，索駝與之，駝四十，索馬與之，馬百二十，索袍服，又與之袍服。高煦益自肆。八月壬戌，遂反。遣楊青潛來京，約英國公張輔內應。晡暮夜，繫青聞于朝。又約山東都指揮靳榮等反。濟南爲應，又散弓兵旗，令真定諸衛所盡奪有郡縣畜馬，立五軍都督府，以指揮王斌等領前後軍。高煦自率中軍千戶王玉等，領四哨復僞授太師都督等官。御史李潯樂安人，弄其家變姓名，間道詣京上變，言高煦刻日取濟南，然後率兵犯關。上遣中官侯太賜書高煦，煦陳兵見太，傲倨不拜，勅南面坐。跪太，大言曰：「太宗信謠，削我護衛，徙我樂安。」仁宗徒

親征高煦

夏場此舉
鑒建文之
夫也當時
事起倉卒
人心洶洶
高煦素號
曉悍善戰
諸將所畏
荷宜廟稍
涉猶豫

以金帛餌我今又輒云祖宗舊制殊令我鬱鬱豈能久
居此汝試觀我士馬豈不橫行天下汝報上急縛奸臣
來徐議吾所欲太懼唯唯歸上問高煦何言太對無
所見已而錦衣官從太往者具陳所見上嘆曰高煦
果反議遣陽武侯將兵討高煦輔臣楊榮力言不可曰
皇上獨不見李景隆事乎夏原吉力贊榮言為是上
默然立召張輔諭親征輔對曰高煦素怯今所擁非有
謀能戰者願假臣兵二萬獻闕下上曰卿誠足擒賊
預朕新卽位小人或懷二心行決矣於是命鄭襄二王
監國明日卽躬率諸軍啟行以陽武侯薛祿為前鋒駕

即親征天下事未可知也

行決矣有風馳電掣之意

料敵如見

宜廟深知人情故親征之議一經即決

本之良商

過楊村馬上顧問從臣曰。試度高煦計安出。或對曰。樂安城小。彼必先取。濟南爲巢窟。或對曰。彼曩不肯離南京。今必引兵南去。上曰。不然。濟南雖近。未易攻。聞大軍至。亦不暇攻。護軍家在樂安。不肯弃此走南京。高煦外多誇詐。內實怯懦。臨事狐疑。展轉不能斷。今敢反。輕朕少年新立。衆心未附。又謂朕不能親征。即遣將來。得以甘言厚利誘餌。幸成事。今聞朕行。已膽落。敢出戰乎。至即擒矣。高煦初聞陽武侯等將兵攘臂。喜曰。此易與耳。聞車駕親征。猝至。始懼。上仍以書諭之。英暢神武詞旨。明壯我師氣盛。龍旗鉦鼓。千里不絕。庚辰。前鋒至。

詞旨明壯我師氣盛。龍旗鉦鼓。千里不絕。庚辰。前鋒至。

淮南受誅
始千伍被
王果能於
獻倡謀帝
且與王餘
點矣

迅雷不及
掩耳遂使
群雄瓦解
大略未清

身明清傳金卷十七
樂安約明日出戰。上令大軍熟食兼行。文大臣請慎
重。武大臣曰。林莽間。或設伏。百里趨利。不可。上曰。兵
貴神速。我抵城下。營彼阱中。虎爪牙安施。大軍至。烏合
之衆。方洶洶。河殷施伏。遂行。夜分至。陽信。時慶雲陽信
吏人皆入。樂安城無一人來朝者。辛巳。駐畢。樂安城北。
城中黑氣黯。我兵壁其四門。賊乘城舉砲。我軍發神
機銃箭聲。震如雷。城中股栗。諸將請卽攻城。上不許。
勅諭高煦。再遣勅。皆不答。圍中人多欲執獻高煦者。高
煦密遣人詣行帷。願假今夕訣妻子。明旦出歸罪。上
許之。是夜高煦盡焚兵器。及交通逆謀書。壬午。移驛樂

自出師至
不血刃
可謂神武
不念

高煦素號
勇悍在細
觀尚不怠

安城南高煦將出王斌等力止曰寧一城戰無為人擒
高煦招斌等復入宮遂潛從間道山見上群臣請正
典刑上不允以劾章示高煦高煦頓首言臣罪萬萬
死唯陛下命上令高煦為書召諸子同歸京師赦城
中罪止同謀脅從者不赦遂執王斌等下行錦衣獄班
師還命中官項繁高煦父子赴北京錦衣衛王斌等伏
誅誅者六百四十餘人戍邊者一千五百編邊民者七
百二十七庶人至京鎖繫大內逍遙城忽一日上欲
往觀左右力止不聽及至熟視久之庶人出不意伸一
足勾上仆地左右即扶起上大怒亟命力士昇銅

情不知其
平日爲教
何如

缸覆庶人缸重三百斤。庶人有力。頂負缸起。積炭缸上。如山。煤炭逾時火熾。銅箔庶人灰。

時楊榮首勅。上親征。上有難色。顧夏原吉。原吉復贊之曰。臣昨見命將而其色變。退諸臣等而決在廷如此。則其臨事可知。且兵貴神速。宜從甲第戈以往。一鼓而平之。所謂先人有奪人之心也。於是上意決。自八月初十日出師。九月初六日還京。兵不刃血。不踰旬。而罪人得。皆榮與原吉之力也。

高煦既擒。車駕至單橋。尚書陳山迎謁。言于上。宜乘

勝移師向彰德。襲執趙王。則朝廷未安矣。上召楊榮

及蹇義。夏原吉諭之。三人皆請從山言。榮謂宜先遣勅

趙王。詰其與高煦連謀之罪。而六師掩至可擒也。上

領之。命榮傳旨。令楊士奇草勅。士奇不可。曰。事須依實。

中正不阿
斷全最大

此舉是文
由苑學
修聖廟所
評益國家

天地鬼神豈可欺乎。且勅旨以何爲辭。榮厚曰。汝阻國之大事乎。令錦衣衛責所係漢府人狀云。與趙連謀造事之因。何患無辭。士奇曰。錦衣衛責狀辭則有矣。然非其實。因復謂榮及義原。言曰。太宗皇帝惟三子。今

上親叔二人。一人有罪者。不可恕。其無罪者。當厚待之。有疑則嚴防之。亦必無虞。庶幾仰慰。皇祖在天之靈矣。時惟。勸。溥。與。士。奇。意。合。溥。曰。吾二人請見上。明其大義。兵必不可移。開者不納。不得入。義乃以士奇意白上。

上意不懌。然亦不復言移兵。遂還京。自是道中有顧問。惟召榮及義。原。言。不復召士奇及溥。上至京。始思士

皇明法傳錄 卷十七 章皇帝 七

元氣良藥

事定人出
白明

奇言不復及彰德事。然言者猶喋喋請盡削趙護衛。且請召趙王拘之京師。上皆不聽。乃召士奇諭曰。言者論趙王益多如何。對曰。今日宗室惟趙王是親。當思保全。毋惑群言。上曰。吾亦思之。皇考于趙王最友愛。且吾今惟一叔。奈何不愛。然當思所以保之道。乃封群臣言。章遣駙馬袁容都御史劉觀齊以示之。使自處。士奇曰。更得聖書親諭之尤善。上從之。容等至趙王大喜曰。吾生矣。卽獻護衛。且上表謝恩。而言者始息。○交趾總兵官成山侯王通帥師討黎利。不利。兵部尚書陳洽。夙之先是。仁宗遣中官山壽齎敕黎利之罪。

時淮父九十猶無恙
封爵與子同官時崇
之

命爲清化府知府利不從聚衆寇掠勢益張通率諸衛
官軍往討洽以爲宜駐師石室縣之沙河以覘賊勢通
欲渡河而陣洽反役喻以利害且陳方畧通弗聽翌日
五鼓麾兵以渡洽不能止次寧橋與賊遇自辰至未力
戰互有勝負洽奮馬突入賊陣欲擒其首惡身被創甚
通懼師卻治遂遇害事聞贈少保贈節愍官其子樞爲
給事中○少保大學士黃淮有疾上疏乞骸骨不許令
歸田養疾疾愈仍來供職○以李時勉爲行在翰林侍
讀上怒時勉言慙觸仁考怒令于獄縛時勉來面
鞫必殺時勉尋又令王指揮縛時勉卽斬西市王指揮

得上面鞫
見天日矣

出端西旁門時勉為先令縛來者已縛入端東旁門門
中相左王指揮至獄知已縛入走還欲縛送西市時
勉已得上面鞫上憐時勉忠臣能直言立脫桎梏
復其官矣

欲以施人
心地先好
當歸叙時
結登路報

按時勉言勸舉止皆以聖賢為師自處鄭重倘以元
宵玩游燈市市中男女雜還簪履鮮集會時勉左右
從施上拾得金釵一股珠貝簪飾備極巧麗蓋千戶
侯李姓妻所遺也勉以金錢易之欲俟其主來尋通
揭示門櫺曰有遺釵者但以所存一股來驗即界之
已而千戶妻使人來比釵儼然肖即還謝以金固却
不受已而千戶自他所來妻告之故交嘆其賢適有
夷方血竭一塊能續骨肉重創有起死之功千戶
之時勉曰吾守嚴一介豈敢濫取但此物能活人者
留以施人亦一陰德也適受而藏焉未幾仁廟撲
以金瓜折簪骨聲琳琳且下鎮撫獄衆皆謂勉必必
會泣獄者即前遺釵之夫李千戶也見而痛之罰以

若此特一
念之慈不
忍婦女以
微物啓蒙
以贖禍耳
竟獲此報
大道也免
何心哉

血竭尚存否。勉使家人取至。持以敷創。其痛立止。不旬日痊愈。

交趾叛。侵圍鎮城。藩鎮以平州知州何忠。有膽畧。使懷奏。潛請王師。忠夜步走出城。二百餘里。被賊伏兵所執。諸賊酋喜曰。何知州聞名久矣。共舉酒酌忠曰。能從我同享富貴之樂。忠大怒。唾地罵曰。臊狗奴。吾天朝臣。豈食汝犬彘之食。舉杯擲中虜面。流血盈頤。遂遇害。

忠。荊州人。永樂中進士。授御史。以言事出為知州。事聞。上勅庭其門。賜諡曰忠節。臨難從容。賦詩曰。萬里孤城久困時。腹中懷奏請王師。紅塵失路風霜苦。白日懸心天地知。灰向南方終有日。生還北闕定無期。英魂不逐西風散。願助天朝殄滅夷。

始遣御史分行天下郡縣。清理軍伍。時天下軍政既次。

而弊軍之姦黠者，往往匿其籍，或誣援良民充伍，所司利姦人之賄，輒從之，民受枉比比，遠邇一轍。上知其弊，遂令御史四出清理，令無枉民縱姦。○以太和佃戶陳祚爲監察御史。

祚，蘇州人，由庶吉士爲
參議，以言事責武官。

以張本爲兵部尚書。○以安遠侯柳升、保定伯梁銘都督崔聚由廣西黔國公沐晟、興安伯徐亨、新寧伯談忠由雲南分兵兩道討交趾，兵部尚書李慶忝贊軍務。工部尚書黃福仍掌交趾布按二司事。王通等守城練兵，侯升等至進兵。

黎利既敗，陳洽勢益困，獨遂圖交州，成山侯王通奏請益兵，詔命柳升等率七萬人以往，且勅慶舉六卿之屬有才畧者，以自助，慶泰郎中

史安主事陳鏞等十餘人偕行。

高汝棧曰：成祖命將討平交趾，求陳氏後無人，乃郡縣其地，設交趾布政司，茲黎利作亂，我不能守，遂以畧之。傳至黎譚，國復亂，譚居海上而死，國人推其弟黎應福攝國。莫氏父子遂篡之，國人乃立譚子黎寧，都清華。改元光熙。莫氏攻之，寧走不知所，而其臣黎景瑁又立譚次子黎憲，改元元和，蓋與莫氏分其國矣。寧之立也，遣臣鄭淮僚奉表入貢，以莫氏之難見告，而憲等求不得之，展以國讓，而莫氏之帝自若。

丁未宣德二年正月，以上元節，勅賜百官假十日，俾各燕飲爲樂，以彰太平之休。自是歲以爲常。

高汝棧曰：元宵節假，卽唐人賜備之遺意也。唐制百官于春月旬休，選勝以樂，自宰相以至員外郎，凡十二筵，各賜錢五千緡。玄宗或御花草樓，邀其歸騎，留飲盡懽，此雖非三代之法，亦太平之象。君臣相悅，之

風也。一張一弛，文武之道。人臣奉官修職，夙夜在公，而以一日之逸，償十日之勞，聖人不費焉。國初遇元宵，今節百官休沐十日，飲食快樂，正是此意。近年以來，上以文法束吏，下以刻核取名。今日禁晏會，明日禁遊樂，使闕廷之下，蕭然愁苦，無雍容之象，而官之怠于其職，固自若也。辟之天道，有明濕和煦之氣，遊于兩間，而後萬物發生。百昌皆遂，必使慄慄迫慘，無樂生之心。此近于秋冬飲藏之氣矣。豈所以調六氣之和養熙皞之福哉。

上御文華殿，召輔臣蹇義、夏原吉、楊士奇、楊榮、胡濙論之曰：古者君臣莫不同心同德，以成天下之務。君有失則爲臣者匡正之，臣有過則爲君者訓戒之。庶幾更相警飭，兩無猜嫌。信所謂明良相逢，千載一遇者也。卿等嘗祇事我皇祖、皇考，二十餘年，竭誠效忠，始終一

致及今事朕左右知無不言言無不當深用嘉悅茲特
賜卿等鍍金銀刻圖書尚體朕至意永永無斁賜義圖
書曰忠厚寬弘賜原吉日合弘貞靖賜士奇曰忠方貞
靖賜榮曰方直剛正賜淡曰清和恭靖云○上遣柳升
等討交趾正月 上坐文華殿召問士奇榮交趾初去
未對曰行矣 上曰朕昔聞 皇考言 太祖初定天
下安南先納欵已而黎氏篡奪天討不可赦是時求立
陳氏後不得故郡縣之倘若陳氏有後不致勞朕方隅
朕對曰此誠帝王盛舉 皇考嘆曰勿泄朕心未嘗忘
今思陳氏果有後選立一人使供藩職三年一貢如洪

武制用寧其民。我亦得省兵戍。論者將謂朕委弄祖宗之業。然繼絕興滅實。皇考之志。士奇榮頓首稱善。

上曰。卿二人識朕意。勿言。賜酒饌而退。○廢晉王濟

熿為庶人。安置鳳陽。

晉恭王綱卒。世子濟熿嗣王。濟熿子美圭。封晉世子。濟熿之弟。濟熿。恨庚失愛。憾其父。并憾濟熿。不為解。因紫慶成諸王。日訴濟熿之過於朝。又誘府中官校。誣濟熿罪。竟奪濟熿王爵。廢美圭為庶人。濟熿遂得嗣王。又誣承奉左役。佐濟熿為逆。逮治京師。濟熿益驕橫。百方幽苦濟熿父子。泰王有老嫗。不能平。走訴文皇。立召左徵于獄中。令馳驛召濟熿父子。時濟熿因空室。已十年。而府中亦言左徵已死矣。徵至。一府大驚。命徵往空室。解濟熿縲絏。相抱大慟。濟熿由是志望出悖悟。濟熿父子見文皇行在所。濟熿病憊甚。上見之。惻然遂封美圭為平陽王。俾奉父居平陽。恭王故有田在連伯淮。據平陽。文皇以與美圭。

無此熿濟
屈枉死矣
大盜借之
以愧世之
竊廟者

濟橫奪之美。主以閔仁宗再三諭還濟橫。不從。仁宗
書諭濟橫曰：「美圭父子，困頓多年。詩曰：『脊令在原，兄
弟急難。』每用吟咏，感念無已。能惟賢弟同吾此心，又
書諭美圭曰：「朕已諭晉王，讓汝田兄弟叔侄本同一
氣。姬事叔益恭，久當憐汝。濟橫得書，益廢致妖巫，府
中造呪詛事。仁宗崩，又不服喪，宜宗即位，憐濟橫父
子將時，問勞濟橫，呪詛事益露。自度罪不可解，遣人
結高煦，謀不軌。日夜造兵器，字化王濟橫，告變。上
倚高煦，又符濟橫，其交通書，其所遣詣高煦人走京。
高煦首服，內使劉信奏濟橫擅取屯糧十萬石，給護軍。
欲應高煦，宰化王。又言濟橫毒弑其母，濟橫始惧。上
召濟橫至，示以諸所發奸逆狀。濟橫伏地頓首。上
書諭諸王，去歲高煦反，罪人既得好黨人，皆言趙晉
二王與謀，予未信。今晉府人屢上告變，徐察之，有驗
不誣。趙王自知事不可掩，已辭護衛，濟橫得罪宗社，
不敢以親私廢大義。謹遵祖訓，免為族人所屏之風。陽
會試天下舉人，取趙鼎等一百人。○三月，廷試，賜馬瑜、
杜寧、謝璉等進士及第。出身有差。○駙虞復見楊藥狀。

明倫彙編 卷十七
十四
○命都督僉事山雲佩征蠻將軍印鎮守廣西朝廷
以廣西獠獍叛服不常數爲邊患命雲充總兵官往鎮
之○進大學士張瑛禮部尚書兼大學士仍舊

雲姿貌魁梧善騎射曉兵器未幾中爲指揮使能征
遠北功爲諸將先拔陸是賊○按水東日記廣西守
將韓都督觀英武有謀頗尚謀殺山裏殺酋之深虎
有將器用安如神其廉正武臣莫並其馭土官一以
威嚴刻期征
調無敢違者

七月 上御奉天門諭兵部尚書張本曰近來民有訴
妄解充軍者此乃有司之過彼意蓋謂朝廷所重在軍
不知民乃國家根本夫朝廷之于軍民正如舟車任載
不可偏有輕重今後卿等須令有司審實軍則爲軍民

孫色見于
外驕心存
于中矣故
曰兵驕者
敗况不好
謀乎
知兵之論

恐後年不
可拔

則爲民毋致晏日違者必罪不恕○十月安遠侯柳升
敗成于交趾先是升兵入交趾賊于官軍所經之處悉
列柵以守升既連破之直抵鎮夷關升有矜色升雖勇
然不好謀史安陳鏞言于李慶曰總戎之志驕矣公宜
力言之且夷狄譎詐不可以屢敗忽之安知其不示弱
以擾我况勅書數數戒說謂賊專以設伏取勝不宜輕
率待之公宜速入言之時慶已病強起與升力言升唯
唯而已中實無戒慎意明日前進以數百騎獨先之副
將崔聚及慶等皆在後升前度橋既渡橋遽壞後軍阻
不得進賊伏兵四起升被創死明日慶病卒又明日崔

所贈歸官
俸體免食
口舌

聚被圍聚固宿將倉卒賊驟衆鬪衆亂聚遂被執賊呼
官軍降卽不殺安鏞皆曰吾輩見危授命耳俱歿之○
工部尚書黃福歸自交趾先是馬騏旣激變交趾陳洽
繼福掌布按二司叩累奏乞還福舊任交人思福之深
上從之命福與柳升偕行我師旣失利福爲賊所得皆
下馬羅拜曰我父母也公向不北歸我曹不至此言也
皆泣福斥之諭以順逆之理賊終不忍加害其酋長餽
以餼糧乘以肩輿贈以白金送之出境至龍州福悉以
所贈歸之官○成山侯王通并交趾帥師還柳升等旣
敗歿通大懼乃集將士議以城不可守戰不可勝不若

交趾之難
或者干計
惟何忠劉
子輔前無
見餘俱誣
滅無聞

全師北歸衆皆從之乃與黎利約和且爲利請立陳氏
後于朝遂并交州城引師還通至京省成華爵○黎利
寇陷諒江府知府劉子輔歿之寇勢熾甚他郡縣多已
陷子輔與守將倡民兵效死守數月寇增衆攻城食且
盡而民心益固既而又踰月寇攻益力遂破城城中兵
民皆盡力鬪以死無一人降者子輔知事不支曰吾奉
命守郡郡亡與亡義不可汙賊手一子一妾皆先死子
輔嘆曰不如此不弄得我廬陵劉家人亦自經死

子輔江西廬陵人初爲廣東按察使坐事左遷諒江
撫民如子民甚愛之事聞贈子輔參政賜祭其家○
時黎賊以八萬餘攻昌江城指揮李任顧福等竭力
與關不支皆自刎城中官寓者大哭北向再拜誓不

英國既有此論當時何不更遣英國臨之

奔守交趾以禮置宗初心宣願本志士奇等將順廷云若論正理勞以萬生盛

從賊與指揮劉順知府劉子輔皆繼永城中軍校及男女同時入者無數賊縱火焚民居劫掠一空黎利遣人進安南陳王三世孫嵩表乞立爲陳氏後上覽之密示英國公張輔輔對曰此不可從將士勞苦數年然後得之此必出黎氏之誦當益發兵誅此賊耳輔退乃召蹇義夏原吉問之二人對曰舉以與之無名徒示弱于天下二人退復召楊士奇楊榮諭以三人所對曰今日吾與爾兩人決之榮對曰永樂中費數萬人命得此至今勞者未息困者未蘇發兵之說必不可從不若因其請而與之可轉禍爲福上顧問士奇云何對曰榮言當從求立陳氏後者太宗皇帝之初心求

之甚可惜
金一寸山
河一寸金
沒入于此
不能無憾

不曰止
大為武乎

經安南

之不得而乃郡縣其地數十年來兵民困于交趾之役

極矣此皆祖宗之赤子行祖宗之初心以保祖

宗之赤子此正陛下之威德何謂無名且漢弄珠厓

前史為榮何謂示弱臣侍仁宗久聖心數數追憾此

事臣願陛下今日明決上曰汝兩人言正合吾意

皇考言吾亦聞之屢矣明日朝罷山岳表示論文武羣

臣曰論者不達止戈之意必謂之不武但得民安朕何

恤人言遂遣工部侍郎羅汝敬等齎詔冊封陳嵩為安

南國王罷征南兵○十一月皇長子生赦天下孫貴

妃所生也十二月皇后胡氏上表讓位賜號靜慈仙

皇明法傳錄卷十七章皇帝十七

帝以南京
為漢本重
地東陽在
臨而往外
史所疑恐
不可信

師退居別宮冊立孫貴妃為皇后先是皇子既生胡氏稱疾請閒貴妃遂正位中宮既而張太后憐胡后賢仍命入居清寧宮進膳如常儀每燕會必命居孫后之右。

成化中禮部尚書姚夔會題陵廟事宜宣宗覽年欲追復胡后徽號悔恨莫及有笑曰此朕幼年事與宋仁宗廢郭后尊亦追復事類同後天廣中其廟承先志卒復胡后位號。

以黃福為戶部尚書尋改南京戶部

天順日錄宣德初思用舊人召蹇義等數人寵待之皆依違承順之不暇惟黃福持正不阿命觀戲日臣性不好戲命園基曰臣不會著基問何以不會曰臣幼時父師嚴只教讀書不學無益之事所以不會上意不樂居數日勅黃福年老不煩以政轉在南京戶部優閒之實疏之地。

以薛瑄為監察御史

瑄山西河津人幼穎悟年十二作詩賦監試奇之稍長從魏范二先生講學程張諸書歎曰此道學正脉也遂焚其所作詩賦專心于是至忘寢食舉鄉試第一登進士授御史內閣楊士奇等令人選瑄欲識一面瑄曰某忝糾劾之任無相識之理一日三楊于班行中尋識之曰薛公見且不可得況得而屈乎稱歎不已

百節

信所更解
得有味

上御文華殿儒臣進講孟子上曰伯夷太公皆處海濱而歸文王及武王伐紂太公佐之伯夷扣馬而諫所見何以不同對曰太公以救民為心伯夷以君臣之義為重上曰太公之心在當時伯夷之心在萬世○逮鎮遠侯顧興祖下獄以減從監留圖雜兵○御製帝訓及

官箴書成○下司禮監太監侯太子獄山東官吏軍民
奏高煦反。上命齊書諭之。且察所為。太還力言無反
狀。後奉命選駙馬于直隸。擅作威福。杖經歷致灰。上
因記憶前事。命都御史劉觀下之獄。

賜遊西苑
吳和曰此
等事正見
明及交太

戊申宣德三年二月。冊皇長子。御名祁唐。為皇太子。

加美等從
信歸不若
以論揚其
盛何也

○封孫忠為會昌伯。皇太后之父○三月。命英國公張輔尚書。

塞義。夏原吉。楊士奇。楊榮等。及翰林諸臣。凡十八人。從

遊西苑。萬歲山。詔許乘馬。中官導引。登山周覽。復賜登

御舟。泛太液池。上諭諸臣曰。今天下無事。雖不流于

安逸。而政務之暇。命卿等至此。以開豁心目。庶幾古人

庶幾古人
遊樂之樂

畢竟英有
能行盛德
之事

遊豫之樂也。復網魚射鳧。賜宴盡歡。而罷。尋復召諸臣
賜遊東苑。○工部尚書李新自河南還。言山西民飢。流
徙至南陽諸郡。不下十萬餘口。有司軍衛各遣人捕逐。
民成公者多。上諭戶部尚書夏原吉曰。民飢流移。豈
其得已。仁人君子所宜軫念。昔冒罔知青州。飲食居處
醫藥皆爲區畫。山林湖泊之利。聽民取之。不禁所活者
五十餘萬人。今乃驅逐使之失所。不仁甚矣。其卽遣官
往各布政司及府縣官。加意撫綏。發倉廩給之。隨所至
居住。有捕治者罪之。○十月擢通政使顧佐爲右都御
史。左都御史劉觀有罪下獄。謫居遼東。先是上召楊

士奇楊榮至文華殿論之曰京師端本澄源之地年來貪濁之風滿朝何也士奇對曰貪風未樂之末已作但至今日甚耳上問未樂何如對曰十五六年以後太宗有疾多不出扈從之官放肆無顧忌請托賄賂公行無忌此事已徹九重但未舉發耳榮曰是時賊貪方賓最甚上問今日之貪誰最甚者榮對曰莫甚劉觀士奇曰風憲所以警肅百寮憲長如此則不肖御史效之不肖御史差出四方則不肖有司皆效之上撫掌歎曰除惡務本因問廷臣中有誰可使掌憲者士奇對曰通政使顧佐廉公有威曾任御史及按察司皆有風

采榮曰亦嘗爲京尹能防禁下吏政清獎犒上喜曰願佐乃能如此數日有旨令劉觀巡閱河道又數日陞佐○右○都○御○史○勅○令○考○黜○不○肖○洗○滌○積○弊○佐○奏○黜○其○屬○不○肖○者○二十○餘○人○罪○甚○者○發○遼○東○充○軍○於○是○御○史○連○章○劾○奏○觀○賊○貪○狼○藉○并○奏○其○子○輻○脅○制○諸○道○騁○私○滅○公○皆○明○著○實○跡○遂○進○觀○父○子○下○獄○議○罪○當○死○特○宥○之○發○輻○戍○遼○東○而○令○觀○隨○往○

宣德初凡臣寮燕樂以奢相尚歌妓滿前紀綱爲之不振自置位爲都御史奏禁貪淫糾正百寮禁用歌妓朝綱始振天下想望其丰采當時惟佐正色立朝九勵其威儀憚之

廣京海陽縣進二白鳥禮部率羣臣上表稱賀

此謂馴逸
不但惜害
亦且惜民

兵部尚書孫本言驛馬之設本以飛報軍机今在外凡
有符驗官司及鎮守官每以常事泛濫給驛皆宜禁止
又凡遣人賫送勅書例與雙馬及回仍前閑給此皆虛
費請給一驢從之

擢福建按察使邵玘爲南京都察院右副都御史時南
京諸司縱弛御史尤多貪婪效尤成風賊穢狼藉至是
玘奉勅考察奏黜不肖御史二十餘人紀綱大振與北
院顧佐齊名憲臺爲之一清○冬上以尚書蹇義夏
原吉大學士楊士奇楊榮四人皆年高欲優逸之賜勅
嘉勞命輟部院職務朝夕侍左右備顧問謀議○郎官

示百官

御史以酗酒相繼敗者。上出酒論以示百官。

此與司書酒誥相表裏內外
臣工所當鑒守而照情也

下工部尚書吳中于獄中。私官木磚瓦遺。太監楊慶作私第甚宏壯。上登皇城樓遙望見之。問左右得其實。下中獄。○寧王權遣人進扇。且奏求鐵笛。上命工製鐵笛與之。謂左右曰。古人謂笛者滌也。所以滌邪穢納之於正。寧王之意。其在此乎。鐵笛雖無。當新製與之。○寧王復請南昌府附近灌城土田。以衆子耕種自給。上諭戶部曰。王者不租食稅。今有歲祿足矣。一鄉之田。民所衣食。不當奪以自養。宜遣人往勘。待報處置。

五月贈祭交趾死節諸臣

高汝拭曰。女無論。不。凡受勝者。有夫婦之義焉。臣無論。不。凡策名者。有君臣之義焉。業已許之。其可得而易乎。是以葵藿傾陽。梧桐待老。此天地恒性。義古事人之則也。從來遠矣。吾患夫二心者。自管夷吾。魏元成。壞之。是以臨事不自裁者。何其紛紛。若建文時。人人自比于管夷吾。魏元成。而臣紀陞地焉。夫管夷吾。吾學箕子。而失步也。猶可。說曰。桓兄也。魏元成。學管夷吾。而臨觴也。猶可。托曰。太宗功也。迴學元成。而隄防不止。如降夷。降虜者。將何說之。弊。貪一息之生。成萬世之禍。雖生。亦死。何顏以立。人世取先。正有言。君臣天地之綱。節義生人之義。守死則為仁人。義士。否則為亂臣賊子。而已。重臣親臣。近臣死義。遠臣死職。比干剖心。申劓斷脣。弘演納肝。豫讓吞炭。以至張許之死。雖陽文謝之。死燕市。皆以完大綱。持正軌也。安南死節諸臣。族幾無愧此矣。○三代而下。開創之臣。多用前朝士。如王魏房杜。皆易君而仕者。譬之以女適人。四公。適再醮之婦。孔明可謂以理而嫁。從一而終者。也。靜修未嫁而能守志。終身者。矣。其餘

此進賢如
不能已之
意也畢竟
得體

仗節死義若建文諸臣皆烈婦人焉豈可少乎哉

八月皇子祁鈺生○顧佐奏監察御史多缺訪舉進士鄧縈等十四人監生程富等十一人聽選教官方端等二十人志操端謹堪任御史上曰風憲固當用端謹者亦須有才猷方稱未可遽授此職俱令于各道歷政三月爾察其言考其賢否第爲等朕將選擇任之○

上以秋高馬肥恐胡虜擾邊欲親自歷諸關警勅兵備遂御奉天門召公侯伯五軍都督府諭之曰胡虜每歲秋高馬肥必擾邊比來邊備不審何似東北諸關隘皆在畿內今務農將畢朕將親歷諸關警勅兵備卿等整

此行與已
已土木之
役不同

齊士馬以俟命。丁未，車駕發京師，渡潞河，駐驛虹橋。召
諸將諭曰：「朕深居九重，豈不自樂？但朝夕思念保民，故
爲此行。今日渡河，道路所經，皆水潦之後，秋田無獲，朕
念民艱，憫焉于心。爾將士敢有一毫侵擾民者，必殺不
赦。」遂命錦衣衛遣官巡察。九月庚戌朔，車駕入薊州境
內。上覽郊原平遠，山川明秀，田疇剝穫之後，頗有遺
粟，滯穗。上甚喜歡，曰：「使四處皆若此，朕何憂焉？」駐驛
薊州西之五里文武官吏耆老朝見。上進其州官諭
之曰：「此漢漁陽郡也。昔張堪爲政，民有樂不可支之歌。
流聞至今，古今人材性不相遠，爾曹勉之。」又進其耆老

諭曰。今歲斯郡獨豐稔。無他虞。善訓厲子孫。務祖義廉耻之行。毋安于溫飽而自弃也。衆叩首而退。辛亥車駕至石門驛。喜峯口守將遣人馳奏兀良哈之寇。萬衆侵邊。已入大寧。經會州。將及寬河。上覽奏曰。是天遣此寇投成耳。遂駐驛石門之東。召石門諸將。諸將咸請擊之。亦有請益徵兵者。上曰。孽虜無能爲。但謂吾邊無備。故敢來。若知朕在此。當驚駭走矣。今惟擒之。勿縱也。然此出喜峯口。路隘且險。單騎可行。若俟諸將並進。恐援事機。朕以鐵騎三千先進。出其不意。擒之必矣。成言三千未必足用。上曰。兵在精。與和不在多。三千精兵足。皇明法傳錄卷十七 章皇帝

鐵溝武能
往暮北所
以習知用
兵英武持
于成祖

以千騎勝
驍騎非知
兵曹戰
不以爲危
也
武功之盛
莫如成宣
二廟夫征
虜而敢不
畏服

辦擒賊諸軍可後進遂決策親征乙卯車駕出喜峯口
夜軍士皆銜枚斂甲鞘戈馳四十里昧爽至寬河距虜
營二十里虜望我軍以爲戍邊之兵卽悉衆來戰上
命分鐵騎爲兩翼夾擊之上親射其前鋒三人殪之
兩翼飛矢如雨虜不能勝繼而神機銃疊發虜人馬斃
者大半餘悉潰走上以數百騎繞出陣後虜望見黃
龍旗知上親在也悉下馬羅拜請降皆生縛之內辰
斬其酋渠駐驛寬河分命諸將搜山谷擒虜穴忠勇王
金忠及其甥都督把台奏請自效上從之有密言于
上曰虜其類也往則不復矣上曰去留亦任所欲耳

置聯英武
聖于成祖
故平月難
其外刻竹
躬親戎伍
如摧枯拉
朽耳茲此
時去國初
未遠乘祖
宗百戰之
餘威將士
習于戎陣
戰勝攻取
固非偶然

朕爲天下顧獨少此二人邪。果如其志欲去。雖朝夕置
于左右亦終去。寧能久繫之邪。曰如不欲沮其行。則遣
一人足矣。上曰朕以誠心待之。遣卽俱遣。留一人乃
使之蓄疑矣。朕待此二人甚厚。大馬識秦養之恩。況人
乎。彼當有以見報。遂遣之。戊午駐驛會州。以重陽節賜
扈從文武官宴。并饗將士。上旣斬獲虜寇。仍遣將士捕
其潰散之黨。至是有俘獲還者。上喜大饗。又親製詩歌
慰勞之。○總兵官覃廣奏和寧王阿魯台遣使來朝貢
馬。已至宣府。命中官王貴馳往宣府勞之。忠勇王金忠
獲虜寇數十人。馬百餘。牛羊數百至。上喜。命中官賜

之內廚酒饌而飲以金爵併爵賜之都督把台獲虜生口及馬牛羊纔至賜亦如之。上初命諸將索虜巢穴約畢至則班師至是召文武大臣諭曰諸將至者今已六七孟冬廟享之期不遠應早旋師羣臣有言諸將未至者宜少俟之廟享之期如迫請勅一親王代行禮

上曰事

祖宗與待將士孰重孔子言吾不與祭如不

祭有如諸將更五日未至亦可俟邪今朕留將士二萬于此以俟未至者必以明日班師遂命都督任禮太監楊慶等率官軍二萬留俟諸將畢至則歸甲子詔班師高汝栻曰帝皇之世上無欲而事簡也三王則民勤而不失其所事雖煩而政仁也春秋戰國苦而不適

其生王政衰而兵賦酷矣。漢唐宋民無不怨武帝南
宋近于戰國。宣廟建邊。此不得已。觀其諸論。窮兵四
東而可知哉。豈不得已而用兵。則民之樂生也多。斯
聖人仁天下之政也。

十一月城獨石遂奔開平

宣府卽漢上谷也。國初開平王克元上郡。設衛開平
置八驛。東曰驛曰涼亭。北曰賽峰。黃崖。松大寧古北
口。西曰驛曰桓州。威虜。明安。臘寧。接獨石。文皇四
出塞皆道開平。與和萬全間。嘗曰。滅此殘虜。惟守開
平。則與和。大寧。遼。東。甘肅。寧夏。邊圍未無虞矣。已乃
奔大寧與虜而與和亦廢。開平失援。至是徙衛獨石。
盛國蓋三。

百里云

高汲叔曰。漢開河西五郡。號曰斷匈奴右肩。國家河
西五路。如漢時京東。又有朵顏三衛。則虜左右肩俱
斷矣。此以形勢制禦也。自俺答之橫也。西併海西諸
虜。又西叛。北賊諸番而虜全右肩矣。自此山後諸賊
又東結朵顏。則又全左肩矣。故虜益盛。邊陲日益多
事。其勢使然。寧特一開平之棄而已哉。

事對

靖康已三
見矣

尚書八座
當爲國爲
民而亦修
佛學是大

皇明法傳錄卷十七

卷十七

楊士奇退朝閉門謝客楊榮頗通請謁上召榮責之
曰卿何不恤外議榮頓首曰臣日侍彤庭與天顏相接
他人欲見而無隙若不啓門以納天下之士兵民休戚
孰得而知上悅○加大學士楊榮少傅先是上率
鐵騎出喜峯口擊虜文臣獨榮扈從既還遂加是職○
加忠勇王金忠太保以討兀良哈奮前斬敵功最也○
已酉宣德四年正月驛虞見于南京畿內之來安縣守
臣得之以獻○二月寧夏總兵寧陽侯陳懋進玄兔白
兔各一上賜以龍衣玉帶璽書獎諭○工部尚書吳忠
言昨山西圓果寺奏本寺是古蹟道場爲國祝聖之所

臣而同愚
笑其婦也

舊塔捐壞乞役民爲之。上曰：卿欲藉此求福乎？朕以安民爲福，其止之，勿勞吾民。

周汝棧曰：昔元太師弘吉剌氏造五臺山寺，創寺之役，大集民夫，冒險入谷，伐木運石，死者萬人，蓋室珠林，留爲勝賞，而工費之隆，傷殘民衆，乃如此，是以有漏之緣，斃無辜之衆也。如來大悲，其謂此何？

不爲佐解
更以實對
大臣告君
之體宜尔

陳進以係
道而折輕
無資固非
權臣之道

○顧佐自爲都御史，憲度嚴明，宿弊清革，下至吏卒，悚勵凜然。吏有遭笞者，搢撫佐之過，謂受卑隸賂，放歸悉具姓名，訴通政司以聞。上密以示楊士奇曰：爾不舉佐廉乎？對曰：所訴之事，誠有非誣。蓋今朝臣月俸止給米一石，薪炭馬芻咸資于卑，不得不遣半歸，使備所用。卑亦樂得歸耕，實官卑兩便。此京師大小臣僚皆然，臣

歸早而使
給薪亦非
正大之體
後來遂有
柴薪早繳
之說微銀
代役名正
官願置一
可行

亦然。自○未樂以來如此。仁宗皇帝固知之。所以增朝
臣之俸。上歎曰。朝臣之艱如此。因怒訴者曰。朝廷用
一好人。輒為小人所排。欲下法司治之。士奇曰。此末事
不足上干。聖怒但付佐自治。恩與法並行矣。士奇退。
上召佐以吏訴狀授之。諭之曰。放阜歸耕。使給薪芻。
京官皆然。不足為過。小人不樂檢束。誣陷正人。汝自治
之。佐叩頭退。召吏示之狀。吏恐甚。佐曰。上命我治汝。
我姑容汝。但改行為善。竟不治之。上聞之喜曰。佐得
大體矣。久之復有囚告佐。累累枉人重罪。不聽訴理者。
上怒。召楊榮。楊士奇曰。此必有重囚教之。使小人排

陷正人不可不究治。遂命法司鞠之。實千戶臧清殺一家無罪三人當死。代寫狀教之誣告。上曰。不誅之。佐何以行事。立命磔清于市。○調大學士張瑛。南京禮部尚書。陳山。專教內豎。上御左順門遙望。見陳山。因問楊士奇曰。汝談言山何如人。對曰。君父有問。不敢不盡誠。以對山。雖待從。陛下久然。寡學多慾。而昧于大體。非君子也。上曰。然前趙王事。幾爲所誤。朕已甚薄之。近聞渠子諸司。日有干求。不厭內閣政本之地。豈可令斯人濶也。數日。併瑛俱罷內閣之任。○上幸文淵閣。謂輔臣楊士奇等曰。朕聞有道之君。願治之主。崇禮儒臣。講

此與極賞
褒之

求治道。卿等職專秘閣。朕躬至此。異有所聞。稍暇當復至卿等。必有所陳論也。遂製詩一章。以賜諸輔臣。上巡邊校獵。閱武。尋還京。十一月內閣學士楊溥以母喪去位。○太僕寺奏請。遣官閱孳生馬。上諭之曰。馬畜于民間。必寬民力。而後可責其成效。國家立法。固有定規。其孳生不及數月。亦屢下令免償。未嘗以馬傷人。益農民終歲勤動。以營衣食。又有償馬之費。甚可憫也。爾等但率舊典。以示勸懲。民有貧難者。宜寬恤之。

按牧馬之政。漢唐皆牧之于監苑。至宋與我朝始牧之于民。宋保馬坊于王安石。表朝令民養馬。始于太僕。轉場砥奏行。其為法徒脩害民而無益于國家實用。

上幸文淵閣命增直字設飲候器用翌日大學士楊士
奇上表謝恩降勅賜詩褒答

是年幸閣者三閣在奉天門東廡深嚴邃密故事不
得舉火閣臣退食于外上命于延中隙地置庖始
得會食

帝閱武千近郊

高汝栻曰強天下之兵當自京營始祖宗朝以武
功定鼎設立京營統以文武重臣環以列將裨將萃
以十二萬神策羽林無事則實畿甸有事或遇邊警
最大而難制者合出征討事平奏凱體統何等隆重
夷虜反側視此潛消宣德而後稍稍凌夷恨本單弱
尤邊何所威望然欲強營兵則大閱不可不舉也昔
高皇帝有雞籠山之閱文皇帝有鳴臺戍之閱
章皇帝有兔兒山之閱睿皇帝有西苑之閱
皇帝有大教場之閱訓具在皆可倣行蓋乘人心
廢弛之後大駕親臨旌旗動色選將勦兵

怒內安諸夏。外制四夷。須于此藉矣。近日吏部待郎
羅○翁○義○亦○請○舉○行○未○蒙○旨○允○想○事○若○有○待○耳○

○免四川茶戶徭役○給事中賈諒等劾戶部郎中蕭

不理職務惟日挾妓酣飲恣樂上命下之于獄上

謂夏原吉等曰飲酒人之常情朕未嘗禁但君子當以

廉耻相尚娼優賤人豈宜褻狎近聞此風盛行如劉觀

華尤甚每赴人邀請輒以妓自隨故此輩倣效若流而

不返豈不大壞禮俗大臣者小臣之表也卿當以朕言

徇諭之

大明律犯姦內有官吏宿娼之條則是太祖時已

有禁矣及顧佐掌院時奏如女止容供應公燕禁其

姦宿蓋恐末流人情易犯耳時三楊開老會飲別館

月夜有妓詣薦因行令限以古詩二句用花月二字

故應曰：尋常一樣齋前月，終有梅花便不同。意令自
論三陽稱賞，制飲大醉而歸，早朝人文業。宣皇問
曰：昨齊之飲樂乎？俞皇莫知所對。上誦應令之句。
三公大散謝，上笑顧中侍齊錦十端而賜曰：用助
纓頭之費。三公復頓首謝，私念泥飲幾違法，禮適
上又有斥吉之所論，因具奏禁止。

書論寧王先是寧王權謂太祖高皇帝以祿米定品
級，則祖訓所載祇祿米耳。親親次序，無有品級。子孫
皆一氣之分，不與異姓相同。至今四代乃定品級，恐萬
世之下謂自今日始。靖江王府將軍與諸王同班儀賓
亦服麒麟玉帶，不論品級。異姓相見，還行君臣禮。于是
上書言之，語多悖戾。上覽奏謂侍臣曰：朕自卽位以
來，恪遵成憲，祿米定品級，皆從舊制。郡王子孫自集園

將軍以至奉國中尉。通有品級。洪武二十九年。欽定。靖江王世子與郡王公侯文武官相見禮儀。或答拜。或坐受等事。亦各隨品級等第。別無行君臣禮之說。因以書示文武大臣。皆曰。寧王此書。執以爲名耳。不然。何以宣德元年八月之事。至今始發。上命作書諭之。使加體。整若復不謹。是時雖欲全親親之義。不可得矣。寧王懼。不敢復言。○上諭給事中曰。朝廷置給事中。所以出納命令。封駁章奏。朝政缺失。民情休戚。皆得言之。非他職比也。朕嗣承大統。期于庶政修和。爾等尚思委任之重。夙夜在公。庶期朝無失政。官無廢事。不惟國家有賴。

爾亦有聞于後矣

高汝拭曰。戰國策。衛人迎新婦。語僕僮。張敖。遂。與。或。灶。從。曰。以。妨。往。來。婦。言。皆。至。言。卒。爲。人。笑。者。以。其。失。之。早。也。呂覽。紀。宋。人。有。嫁。子。者。告。其。子。私。藏。以。爲。別。嫁。易。其。子。從。焉。若。翁。知。之。出。之。父。不。自。非。反。善。其。詐。抱。朴。子。病。繆。篇。著。世。俗。戲。婦。之。法。醜。言。慢。對。甚。至。楚。健。支。體。鄙。賈。不。可。言。總。之。衛。婦。躁。語。以。招。訛。宋。人。陰。計。以。賈。逐。而。其。心。大。有。選。庭。焉。士。君。子。委。貨。入。官。如。新。婦。然。固。宜。慎。之。然。化。之。衰。也。以。括。囊。進。然。貨。賄。私。家。于。衛。則。又。重。貨。食。之。懲。于。宋。則。安。覆。轍。之。敗。持。身。不。正。緘。默。取。容。使。人。得。弄。玩。之。如。戲。婦。然。惜。哉。

皇明通紀法傳錄卷十七終

皇明通紀法傳卷之十八

東莞 陳建 著輯 西湖 高汝斌 叅訂

雲間 吳楨 增刪 高鼎煒 校

庚戌宣德五年正月兩朝實錄成、太宗皇帝實錄一

百三十卷、寶訓一十五卷、仁宗皇帝實錄十卷、寶訓

六卷、○少保戶部尚書夏原吉卒、贈太師謚忠靖、

原吉不徒
德量弘裕
善斷吁可
俞否期于
濟國有古
大臣之風

原吉德量寬弘、嘗有從諫、汗所服金織賜衣、俱欲送
者曰、汗可浣、何恨、為吏變所實、現斥、臣不敢見、原吉
召吏諭之曰、物皆有壞、吾未嘗惜此、慰遣之、在都吏
林精微、文書押之、因風為墨、所汗吏俱、即肉袒、以俟
原吉曰、汝何異焉、明日袖至、上前自咎、不謹被汗
上命易之、一時卿大夫雅量推原吉第一、嘗夜閱文
書、撫按歎息、筆欲下而止者再、其夫人問之、原吉曰
吾適所批者、歲終大辟奏也、吾筆一下、死生決矣、是

以慘澹而筆不忍下也。原吉與同列飲于他所。夜歸。值雪。過禁門。有欲不下馬者。曰。雪大寒甚。原吉曰。君子不以實其解。行其教。慎如此。

○二月會試天下舉人。命侍讀學士李時勉侍讀錢習禮爲考試官。取陳詔等一百人。○三月廷試。賜林震、龔錡、林文等進士及第。出身有差。○清明節。

上奉皇太后。率皇后謁長陵。獻陵。駐天壽山。上奉皇太后。令張輔、蹇義、楊士奇、楊榮、金幼孜、楊溥六臣見行殿。皇太后曰。皇帝數言卿數人。贊輔多用心。今國家清寧。生民無事。固祖宗垂佑。亦卿等之力。輔等頓首對曰。皇上聰明膺智。敬天洪祖。仁愛兆民。以致康濟之功。此

皆皇太后聖德大訓。臣等實無寸補。皇太后曰。我有何德。上由祖宗積善垂慶。卿皆先朝舊人。自今更須協力一心。非但國家蒙福。祖宗神靈昭鑒在上。亦必敷佑卿等。俾卿等子孫安榮永世。命上賜六臣酒饌白金文綺。○上奉皇太后。率皇后還京師道中。上遙見耕者。以數騎往視之。下馬從容詢其稼穡之事。因取所執耒耜三推。耕者初不知爲上也。旣而中官語之。乃驚躍羅拜。上顧侍臣曰。朕三舉耒。已不勝勞。况常事此乎。人恒言勞苦莫如農。信矣。命耕者隨至。管人賜鈔六十錠。已而道路所經農家。悉賜鈔如之。至京。上御左順門。召耆

義揚士奇、楊榮等曰：朕昨謁陵還，道昌平東郊，見耕夫在田，召而詢之，知人事艱難，吏治得失，因錄其語成篇，今以示卿。卿亦當體念不忘也。○以春和頌寬恤之令，先是上欲南齋官，召楊士奇諭曰：吾欲下一寬恤之令，今獨與爾商之。然吾未能悉知，汝當效勞助益，遂命內侍具楮筆。上曰：免災傷稅糧，當是首事。聞民間虧欠畜馬驢騾，所司追償甚迫，民計無出，亦甚艱難。部官坐視而不言，對曰：聖念及此，生民之幸。各部惟督責下民，以供公家，而不顧民心之離。故一切民瘼，蔽不以聞。今所當寬恤者，殆

三楊立朝
能以民隱
上達宣宗
亦復虛心
以從所謂
諫行言聽
者澤下于
民者也此
相業為獨
光

以此數陳
入之典語
中亦無分
本古

非止此兩事。上曰：汝所知者，俱言之。對曰：百姓積年
負欠薪芻，及買辦採辦之物，所司責償甚急，皆當寬貸。
各處官田，起科不一，而租額皆重。細民困乏，蘓州尤甚。
郡縣以聞，戶部固執不與除豁。細民多有委棄逃徙者。
此當量與減除，部符下郡縣採辦買辦諸物，但一槩派
徵，更無分別出產與否。非出產處，百姓數十倍價買納。
臣請戒約該部，今後凡物只派產有之處，不許一槩徵
派。苦民年來刑獄寬濫者多，感召早滂，誠由于此。請戒
飭法司，敦用平恕，務求情實。今工匠之弊尤多，四方每
戶不問幾丁，悉徵在京役于公者，十不一二，餘皆為所

管之人私役不得管生以致嗟怨盈路臣請命官巡察
究治及分豁戶丁之半放回上歎曰朝廷任六卿但
知苛責下民而不能清察姦弊有忝厚祿矣爾所陳有
益于朕有益于民此皆應行命卽草勅明旦頒行○止
於文華門御道屏左右獨論士奇曰楊榮家畜馬甚富
察之皆得之邊將榮交通邊將甚密豈可任於親密之
地對曰榮與諸將交蓋因永樂中扈從北征太宗皇帝
命掌兵馬之數以此於諸將稔熟今內閣諸臣邊將之
強弱才否邊境之遠近險易四裔之順逆委曲惟榮一
人知之臣等皆所不及且其在密地凡制勅予奪高下

不棄陳政
之亦不因
左位而大
飾之是見
時人之品

皆稟上旨。又有臣等同議而行。豈榮所得獨專。且臣與同官久。亦嘗觀其廐馬三五疋有之多。亦不能畜。蓋芻菽未易辦。上曰。爾未知其家馬多。卽鬻於市。朕知之審矣。渠數請復永樂以來調衛官軍。朕詢之兵部。言有罪調衛。洪武舊制。無可復之理。朕固已疑之。對曰。此事亦未明。但其人可用。幸姑容之。上意乃解。然自是不專任之矣。○命工部尚書黃福總理淮北河南山東屯田。福請濟寧以北。衛輝真定以南。近河之地。役軍民十萬人屯。出積穀以省漕粟。下行在戶兵二部議。郭資張本言沿河屯田甚便。鳳陽淮安以北及山東河南北直

隸近河二百里內通舟楫處擇荒閑田以五萬頃爲率發附近軍民五萬人耕之官給牛器但山東近年飢旱流徙初復衛卒多有役室先遣官行視其田以俟開墾上從之遣吏部郎中等官趙新劉澤榮華張琰吳政等經理屯田福總其事既有言軍民各有常業若復分田役益勞擾事竟不行

按嘗因黃福之言而有慨於西北諸處積荒之地不但可以屯田積糧且江南之稅糧亦可植也山東通濟沁河沂諸水河南鑿汝蔡沮息諸渠陝西會涇渭漆沮諸流則西北之田皆植稻矣奈何經畫疆理既無西門豹鄭國之徒而築舍道旁之言又紛紛也於是軍國之賦盡仰給於東南矣東南民力烏得而不竭哉

此積弊也
聖主洞知
と

寺官竊減外與供給。上諭刑部侍郎施禮曰、先祿之
之弊、不止此自。祖宗以來、飲食供給、皆有定規、今擅
自竊減、應給之人、卒不得、凡得者、卒非應給之人、惟虛
立案牒以掩人目、宜究治之。因顧侍臣曰、每謂飲食細
過不干大体、昔華元殺羊享士、羊羹不與、遂致喪師、勾
踐投醪于江、與衆共飲、人心感悅、遂成霸業、以此而論、
所繫豈輕。○重修玉牒。上覽之、太息曰、國家宗藩繁
盛、皆祖宗積德所致、今于朕雖有親疎、然本原一人、朕
何敢忘焉。

六月初、尚書張本奏、甘肅寧夏大同宣府糧餉皆出民
皇明法傳錄卷十八 漳皇帝

力運輸所費浩大近數年來各處邊隅無警田禾豐稔邊衛軍士一切用度多以穀粟易換請遣人與總兵鎮守官會議彼處應用布帛等物戶部差人運去依價收糴每處穀粟或十萬石二三十萬石歲以爲常儲爲糧餉則民力可省邊儲可充上令遣官馳驛與各處守將計議以聞至是武安侯鄭亨寧陽侯鄭懋都督譚廣劉廣言甘肅軍見缺絲綿布絹棉花大同宣府缺布絹棉花茶鹽及農器犁鋤等物如運至依時易換爲便戶部遂請以折糧絲綿布絹棉花及收買農器支在官茶鹽道人運送陝西委叅政陳琰山西委叅政樊鎮口外

委戶部郎中王良等專理其事從之○土魯番始遣使人貢

土魯番一名土爾番在大火州西百里古交河縣安樂城也城方一二里地平四面皆山氣候多暖少雨雪土產麻麥有瓜果羊馬之利人皆屋居信佛法多僧寺城西二十里有產兒城城僅二里居民百餘家相傳故交河縣治又云古車師國永樂十二年行在驗封員外郎陳誠使至其國誠言西北百里有雪山最大有夷人言此十萬羅漢湊湊處也近山有高臺臺畔有僧寺寺下皆石泉林木從此入山行二十里至一峽峽前有小屋屋前登山坡坡有石屋屋中小佛像五前有池池東有山山石青黑遠望紛如毛髮夷人言此十萬羅漢湊湊處也循峽東南行六七里登高崖崖小山巖巖秀麗羅列成行峽下白石成堆似玉輕脆不可握堆中有若人骨狀者其堅如石文縷明析顏色光潤夷人言此十萬羅漢骨也又東下石崖崖上石笋如人手足稍南至山坡坡后瑩潔如玉夷人言此辟支佛涅槃處也周行尋

山約二十餘里，悉五色砂石，光焰灼人，四面陡峻，窮崖天巧，奇絕草木不生，鳥獸不至，云其處大抵無北虜患，專鎮防西夷，夷種中土，皆蓄最好技，宣德五年始遣使來貢。

改江南民運爲兌運。○朝鮮國王李禔遣使獻海青鷹，使還賜王磁器，諭王國中多珍禽異獸，然朕所欲不在此。○此後母猷。○山西進龍馬駒以爲瑞，群臣上表賀，不許。

○加陽武侯薛祿、太保祿佩鎮朔將軍印，帥師巡河至

斬黃嶺，遇虜悉斬之，盡獲其家口，孽畜健聞，故有是命。

是秋率祿爲將，智勇兼備，紀律嚴明，所遇秋毫無犯，善撫士卒，累創赴聞，有進無退，故所向成功，卒追封

斬國公。

謚忠武。

七月 上視朝罷，御左順門，謂侍臣曰：郡縣守令所使

安民者。若賢否混淆。無所激勸。則中材之士。皆流而忘
返。吏部以進退爲職。亦未聞有所甄別。何也。因降勅申
諭之。○八月朔日。當食。陰雨不見。禮部尚書胡濙等。以
爲卽同不食。請率群臣賀。上不許。○推陞各部郎中員
外郎及御史長史等官六員。爲各部侍郎。分授總督浙
江。江西。湖廣。河南。山東。山西等布政司。及南北直隸府
州。徵收稅糧。巡撫地方。

高汝栻曰。初設武則令都御史亦有左右侍郎
或通參卿寺皆兼憲職領勅以出事完還朝今常添
註矣然皆藉有年勞才望方授近因邊方失事相繼
不責總兵而責巡撫又因時過求成罷相望隨有自
參政副使方在按屬轉加陞授以故是接輕也而自
視亦輕彼此相見相行事體禮節亦非曩昔比矣

予不起科
之田而種
以井田之
萬計什一
之賦民種
田而有其
名矣蓋端
以從而聚
力之

上問侍臣曰古之井田最為善政後世何以終不能行
侍臣對曰自秦開阡陌富強者得以兼并遂致因循
上曰朕為國家養民在有實惠誠能省徭役薄徵斂重
本抑末便是養民亦何必拘于古法○令北直隸地方
比照洪武年間山東河南事例民間新開荒田不問多
寡永不起科○

此我祖宗厚民美意漢唐以來所無也良由國初地
曠人稀是以如此然有田則有稅什一天下中正不
可廢也當時緣不起科後來遂至權勢奏討爭占之
擾王整謂北方平原沃野千里瀕望皆不起科于此
可行井田之法焉是亦一机也羅倫謂以堯舜三代
之道轉其君則分田制產經傳固自有成法揚東里
諸人得君行政既專且久謀國不弘遠猷而苟且一
時近小此三代以下所以無善治也○

上御文華殿少傅楊榮進講大學平天下章學士王直
進講生財有大道章上析其義曰治天下國家不可
無財用卽如生之者衆四語行之不必暴征橫歛而國
用有餘矣又曰秦誓曲盡君子小人情狀人君審此則
好惡用舍當矣後世若漢唐中葉小人倖位妨賢病國
卒以勵民聖賢之言豈非龜鑑歟○浙江巡撫侍郎成
均築捍海堤○山雲討平慶遠蠻

以監察御史于謙爲兵部右侍郎巡撫河南山西
謙浙江錢塘人骨相異常七歲僧蘭古春見而奇之
曰此他日救時宰相也登永樂辛丑進士授御史才
貌英俊聲如洪鐘遇事敢爲不避權貴嘗從從高
煦罪人既得上命謙數其不軌詞嚴義正矢口而

成、大解、上青、自是受知至是河南山西兩省各奏災傷、廷議欲令大臣經理、上親署、諡名、超授之時、年三十三、

○以越府長史周忱爲工部右侍郎、巡撫南直隸、督理糧儲、蘓松一帶稅糧、有五六年末完者、朝廷遣官催促、相繼終莫能完、至是用大學士楊榮薦、遂舉忱往任之、忱、江西吉水人、爲人謙恭、言若不出口、謀慮深長、一切破崖岸、爲之虛心訪問、急採衆長、一二年間、累欠之數皆完、美餘之積、日見充溢、小民賴以賑恤、歲內無慮歲輸之米、甲于諸省、

擢兵部郎中、柴車爲兵部右侍郎、

車、浙江錢塘人、舉于鄉、授兵部武選主事、遷員外郎、以清慎得名、擢江西參議、入闕中、取大木、調度有方、民不勞而事集、初經廣信、廣信守與車有舊、饋客一壘、車疑其重、發視之、皆白金車、笑曰、故人知君君不

祖宗新用
人不拘一

差未嘗大

分流品亦

未嘗與費

格與夫年

勢之拘用

惟其賢能

而已故當

時號稱得

人

如此作為

真有手段

知故人竟不受歲餘復入為職方郎中職方事最繁
車治之有餘力會傳言湘滿富有愛部設沿江諸郡
擇良守以車知岳州居三歲郡大治後召為
職方郎中丁內艱奪情治平至是起陞侍郎

○以禮部郎中况鍾為蕪州府知府

鍾江西靖安人始為吏胥事禮部尚書呂震震薦其
才授儀制司主事進郎中至是大臣奏蕪州等九大
郡號繁劇難治遂擢鍾等九人為知府授以璽書假
便宜從事馳驛之任鍾初視事為木訥胥持文書皆
不問當否便判其弊盡輒默識之通判趙忱肆慢侮
鍾亦唯唯不校既募月一旦命左右具香燭案并呼
禮生詣條屬以下亦集鍾言某有朝廷勅未嘗宣今
日官勅既宣中有條屬不法徑自率同之誦于是諸
吏皆驚服鍾坐堂上頃里老言吾聞郡人多校武每
訓別今以局若等速以善戶惡戶報來善者吾優視
之甚則實致鄉飲惡者吾且為百姓殺之吾列善惡
二簿侯若曹矣又召府中胥悉前大聲言某日某事
你某作如此故應竊賄若干然乎某日某如之郡胥

現青天

聖之正降
假設之詞

其發其公
謂其歸至
此蓋明

駭服不敢拔劍命引出曰吾不能多耐煩命裸之俾
皂隸有背力者四人與一芥糠空中賴之死皂姑少
校去鍾大怒曰吾為百姓殺賊何鼠輩為吾樹冤成
耳高投之立死不死尤若狗賣皂隸如命斃六人
命屠人鉤其髮曳出封諸市復點屬官貪暴者五人
稱之曰見青天當時同陞者工部郎中莫愚陞常州
府知府戶部郎中徐鑑陞安州府知府刑部員外郎
陳本深吉安府知府臨安府知府何
文淵陞為溫州府知府後皆為名宦

是歲安南黎利篡陳而自立利遣使來貢謝罪請封

朝臣或請典師討之上不許遣使封利為安南國王

自後朝貢不絕○謫江西案察司副使李綸戍遼東綸

先為御史與都御史劉觀子輻游及受海鹽縣豪民金

銀文綺出其殺人之罪至是事覺都察院以聞上命

追所受賊及舊給勅命發以遼東遼衛

乙卯帝巡近郊○車駕發京師駐驛王河諭成國公朱
勇等曰今農收雖畢而禾稼在場民間公私之費皆出
於此扈從官軍不許入民家有所求索違者處以重刑
其申令各管悉知之壬午駐驛雷家站召學士楊士奇
楊榮金幼孜楊溥問曰唐太宗過此非征遼時乎衆對
曰然上曰太宗持其英武而勤遠略此行所喪不少
帝王之鑒戒也又問此山崩于順帝時人率謂元亡之
徵卿等以爲如何衆對曰順帝自是亡國之主雖山不
崩國亦亡上曰此言正合朕意昔聖帝明王之世未

嘗無災異大抵國之存亡繫其君德之仁與不仁而已。
十月 車駕巡邊至宣府而還。○十二月二十夜含譽
星見于九旂大如彈丸色黃白光耀有彗。郡臣表賀。
辛亥宣德六年

正月兵部尚書張本卒。○二月 萬壽聖節 上御製
詩一章賜尚書蹇義胡濙大學士楊士奇楊榮且曰朕
茂膺天眷惟爾四人贊翊之功賜燕盡歡而罷。○巡按
江西御史陳祚奏請命儒臣講說大學衍義 上方以
博綜經史自負而祚疏詞若 上未嘗學問者覽疏怒
曰朕不讀書大學且不識豈堪作皇帝乎差官校逮至

并其父母妻子悉下錦衣衛獄禁錮者五年。○七月
上微行夜幸楊士奇宅時。上頗好微行。一夕漏下二
十刻。以四騎出。臨士奇宅前報者言。范太監來。士奇倉
皇出迎。上已入門。立月中。士奇俯伏言。陛下奈何
以宗廟社稷之身而自輕。擾擾塵埃昏暗中。誰識
尊萬一或有識者。變起倉卒。何以備之。上笑曰。思見
卿一言。故來耳。遂屏左右。語既竟。士奇叩頭曰。車駕
今夕俯臨外間。明日必有知者。萬萬自此慎出事。變不
測當慮也。駕還宮。明日遣太監范弘客問士奇。車
駕臨幸。曷不謝對曰。車駕夜出。愚臣迄今中心惴惴。

未○已○豈○敢○言○謝○數○日○又○遣○弘○問○士○奇○曰○今○天○下○平○寧○
上○時○欲○微○行○何○足○慮○堯○不○微○行○乎○對○曰○陛○下○尊○居○九○
重○恩○澤○豈○能○過○洽○幽○隱○萬○一○有○冤○夫○怨○卒○窺○伺○竊○發○誠○
不○可○不○慮○後○旬○餘○錦○衣○衛○獲○二○盜○焉○蓋○盜○嘗○殺○人○官○捕○
之○急○遂○私○結○約○候○車○駕○之○王○泉○寺○挾○弓○矢○伏○道○傍○林○
莽○中○作○亂○時○有○捕○盜○校○尉○亦○變○服○如○盜○入○盜○群○之○中○真○
盜○不○疑○竟○以○其○謀○告○之○遂○爲○所○獲○上○既○誅○二○盜○士○奇○
入○謝○上○諭○盜○謀○且○曰○愛○朕○莫○如○汝○自○今○如○汝○言○不○復○
微○行○蓋○先○是○寒○義○嘗○以○天○下○太○平○勸○上○可○微○行○而○生○
日○得○賜○鈔○及○馬○故○至○是○有○愛○朕○莫○如○士○奇○之○說○云○九

月戶部言宛平縣民以果園地施崇國寺請蠲其稅

上曰民地永食之資乃以施僧且永免稅甚無謂令亟

以還民○十二月大學士金幼孜率贈少保謚文靖

幼孜簡易沈默不伐善驚名及疾革楊士奇楊榮問

之幼孜惟言受國恩重上無益于朝廷下無益于生

民後何言或請啟身後之澤者幼孜

正色曰爲子弟求祿君子所耻遂卒

河南知府李騷奏伊王居國屢有非理之求臣不敢曲

從府中內官官校虐害百姓者臣稍稍禁戢自此含怒

今年冬至臣以四更往王府陪班行禮適勅唱班臣已

就列王已爲遲執繫儀衛司獄次日始釋遭王摧辱不

敢不奏上謂都御史顧佐曰朝臣於大庭朝賀皆昧

癸之際未嘗以四更行禮此必王府護邪小人教王屏
知府之計乃致書伊王諭王宜謹守祖法勿信護邪府
中承奉長史典儀械送京師治之○八月忠勇王金忠
卒忠初名也先仕于元太保不花六世孫自永樂二
十一年以其部屬來歸太宗封爲忠勇王賜姓名金
忠宣德三年扈從巡邊至會州遇虜忠奮身當先斬
賊功多四年陞太保至是卒賜祭葬

壬子宣德七年正月朔日有食之遂免朝賀○二月
上召楊士奇至文華殿諭曰憶五年五月共爾南齋官
論寬恤事且兩閱歲矣民事不又有可恤者乎對曰誠

循資陞抄
四字今日
就為完想
半不可改
賢才所以
多積薪也

有之。只五年官田減租額一事。聖恩已下戶部格而
不行。至今仍舊追徵。小民含冤不已。上怒曰。戶部可
罪也。對曰。此循習之弊。永樂末年。多如此。往年高煦
反。以夏原吉為姦臣之首。誣指此事為說。上曰。今再
下詔寬恤。舉此為第一事。却于其未增云。中外該管官
司。不許故違。上曰。如再格不行。朕必罪之。不怨汝。試
言今日之事。當寬恤者。士奇以處逃民。寬漁課。黜貪暴。
廣賢路。數事為對。又言。方面郡守。皆是要職。吏部往往
循資陞授。不免愚良混濫。宜令京官三品以上。及布政
按察薦舉。後犯贓罪。併坐舉者。上曰。此數事皆可書

勅頒下矣。士奇復曰：臣愚一人見聞不廣，願更得一人同論此事，庶幾可以推廣。聖澤上曰：不可令多人知。恐勅令未下，事已遍播于外矣。胡濙謹厚，汝與之密議，就錄稿進來。于是士奇退，同濙議增十數事，通錄明旦進呈。上允之。○三月，再行寬恤之政，以減官田租額爲首。次令京官三品以上及布政按察薦舉堪任方面郡守官者有犯，并昇舉者。○上既下詔求賢，復出御製掇菁蘭操及四言招隱詩，賜諸大臣以示意。○七月，上燕閒閱內庫書畫，得元趙孟頫所繪邵風箴，因賦長詩一章，召翰林諸臣示之，曰：幽風周公，陳后稷公劉，王

新主更迭
奸安推聖
正勤思求
賢心念民
依耳試觀
荷蘭格四
國風詩織
婦採何苦
急急漫追
形容切至
其詩取錄
入詩歸者
不繁贅

業之所由興與民情早晚之宜以告成王使知稼穡之
艱難萬世人君皆當鑒此朕愛斯篇爲賦詩欲揭于便
殿之壁朝夕在目有所儆勵爾其書于圖之右○上謂
侍臣曰朕嘗歷田野採桑育蚕繰絲製帛累寸而後成
足亦甚勞苦因出所賦織婦詞一篇以示之曰朕非好
爲詞章昔真西山有言農桑衣食之本爲君者當詔儒
臣以農夫織女耕蚕勞動之狀作爲詩歌使人誦于前
必繪爲畫揭于官掖布于戚里使皆知民事之艱衣食
之所自朕所以賦此也○十月八百大甸土官宣慰使
刀之雅遣人貢方物且云波勒嘗以土酋土雅之兵來

寇殺人掠財乞發兵討之。上謂侍臣曰：聞八百去雲南五千餘里，荒服之地也。波勒土酋土雅皆未嘗歸化，豈能勞中國之人爲遠夷役乎？且夷性犷悍，必兩有未善，豈皆波勒之過？宜降勅諭使敦睦隣好，保境安民。○南詣白葛達國人貢時，又有西域天方國默德那國各遣使來朝貢。天方國舊名天堂國，默德那國卽回回祖國也。○上賜郡臣御製祖德詩。○八月，上在宮中覽尚書黃福贊潛運時言，便民數事，出其章示楊士奇。且諭之曰：福所言皆知慮深遠可行。今六卿中其誰之倫？士奇對曰：福受知太祖皇帝最先大用，其爲人正直。

知無不言
言無不盡
東里集

明果一志于國家生民今六卿中鮮及之永樂初建北
京刑部命之緩輯凋瘵及得交趾命摠藩憲之政安新
附之衆躬勤夙夜具有成績其才德兼備有大臣體諸
卿誠不及之福今年七十矣諸後進少年高坐公堂理
政事享佚樂與馬駒從楊楊福四朝舊人乃朝暮奔走
道路勞瘁不已殆非國家所以優老敬賢之道上曰
非汝不聞此言吾嘗欲得一老成忠直之人處之南京
根本之地緩急可倚今以命福豈不誠當士奇對曰福
必不負陛下任使明旦上命吏部改福南京戶部
尚書中外聞者皆悅蓋上之納直言明于用人類如

此○釋放城縣縣丞陳銘復任先是上聞內官內使差遣在外者多貪縱爲民害以太監劉寧清謹忠良命同御史馳往各處盡收所差內官資藁并其人解送京師既還道經放城縣丞陳銘聞有內官至不問所從來輒奮前悴寧而手擊之御史遂奏丞無狀迨至上曰丞固可罪朕以其一時偏于所惡昧于所聞且宥之侍臣咸言銘酗酒擅擊朝使陛下縱赦之亦不可使復任上曰朕既釋之矣銘當因此知改過也○命直隸巡撫周忱與蘇州府知府鍾況計疏濬六湖工力以聞

六湖曰太湖曰滂山曰楊城曰昆承曰沙湖曰尚湖縣屬廣袤方三千餘里

癸丑宣德八年

正月上元夕張燈內苑製作精麗鋪張繁盛上侍

皇太后往觀皇后皇太子咸侍奉觴上壽次日勅

郡臣往觀賜宴苑中又次日命文武大臣以四夷朝貢

之使往觀仍賜宴自是悉賜京師軍民咸往觀焉楊士

奇撰太平聖德詩十章以獻諸學士儒臣亦皆有獻

焉○賜文武重臣及侍從遊西苑致仕少保大學士黃

淮以謝恩至預焉先是淮父性卒賜祭塋以一品禮至

是淮赴闕謝上命淮與英國公張輔及蹇義楊士奇

等十餘人同遊西苑賜宴于萬歲山之麓○二月會試

偶後死土
水之難

郵刑

上登極獻
賜虞夏者
再獻麒麟
者四景星

天下舉人以黃淮及少詹事王直為考試官取劉哲等
一百人○三月廷試取曹鴈趙恢鍾復等進士及第出
身有差

爾與定音罕人初舉鄉試中乙榜授代州學正能不
堪為人師願改別職得泰和典史制邑政繁處之裕
如公暇蒞進學不倦久之以督部工匠至京疏乞入
試中會試第二廷試策問義禹河洛象數問對稱旨
上親擢為第一授翰林修撰為人明敏疏通
揚士奇愛重之薦入經筵不數年入閣預政

黃淮辭歸上宴餞之于西苑太液池親灑宸翰製詩送
之仍賜織金衣一襲○勅三司法遣官郵刑○八月癸
亥犯南斗○閏八月戊午景星見于天門少詹事兼侍
講學士王直進頌○西南海外諸裔國各遣使來獻麒麟

二龍
卷二
七

永賢良
正

麟凡四楊士奇進頌謂其盛前古所未有○詔各布政
司按察司及府州縣官連名保舉賢良方正一人起送
吏部量才擢用○今天下生員年四十五以上者考選
國子監時言者以士子之在學校者多衰老不得及時
進用遂有此令增開貢例以後累行之

高汝栻曰賢固貴用猶貴及時百年者人生之限也
少壯老三分之矣少則不知為老則無能為可自效
者惟是壯年秉壯弩力易于樹業而建功近時生員
惟科舉一途始得進身然遇合有數不能一時必建
縱得甲科而序令愈貴積同界薪序不及不進雖能
伊傳而學董賈道建弗克效矣曰首始躋要路比其
時蹶然而衰往日十舉十當今不能五嗟嗟時過而
機難後復不生物老至而官雖賢者鮮克有功味
日之鮮豈哉宣廟此令蓋知此矣

鑄宣德通寶錢

高汝栻曰今天下編戶之財已盡司農之用難支當
事者惟有仰屋嘆耳夫粟米歲有登也布帛月有繼
也往者日有產也惟銀在中國止有此數自神廟
至崇禎凡十有七年供軍費者如填巨海東南金
日赴西北絡繹不絕未嘗見西北之金轉而之東南
也巴已奴蹂內地每執人便索銀攫而去不知幾萬
億矣流寇所至秦晉楚豫江北等處每執人便搜銀
子劫而去又不知幾萬億矣凡此皆一去而不返者
也不天降不地生民間安得復有其財耶使斯時而
議屯乎是三年之艾也議鹽乎是萬石之弩也莫若
廣設鑄局此亦化無用為有用之法耳錢法者行于
宜廟每萬金一歲子息可八千零今不能復者以有
官爐私鑄之弊赤棍克商之弊所以并其本而盡之
誠銳意力行兩京選差廉幹部官親詣各省產銅之
處開採銅礦設處工炭鑄錢解京省直各府俱設鑄
局令各州縣預將應存留之銀收買各當舖費銅解
府給鑄以其本存留支發而以其息解京為邊儲之
用如此商盡朋矣每錢一文重一錢二分合民間用

錢不但計千百之數。且計斤兩。則料多而工費難。首作無益者。如此則私鑄止矣。因銅于山。已濟其源。又禁民家非七品以上。不許用銅器。違者入官。如此則銅值賤矣。更收盜鑄之。以爲工。易私鑄之錢。以爲銅。則何錢不如泉也。更令納官者。銀六錢四。用于下者。錢八銀二。則何錢之不如金也。官不便于贖銀。更不便于侵欺枉法者。不便于賄賂。給恤者。不便于除。流寇虜首。不便于掠奪。數者之不便。正國與民之大便也。顧何憚而不講泉哉。

冬詔合臨御以來三科進士。御文華殿親試之。拔其尤者鄭建等二十八人。與修撰馬瑜、陳循、林廣、曹鼐編修林文、龔鐸、鍾復、趙恢、評事張益同進學文淵閣。其優麗給賜一循。永樂甲申之制。仍賜御製詩以示勉勵云。又令內閣考選在外廢官有文學者六十餘人。擇其優

宋齊之切
旁搜異采
其屬精之
生也

陳以治祥
陞都督會
寧總舟師
江上靖難
兵至江北
以迎駕封
伯

陳平江有
功十潮亦
有功丁民
正名臣程
濟實事

皇明法傳錄卷十八

者知縣孔友諒進士胡培積康莊宋璉教諭王純徐惟
超訓導妻升七人 上令改進士為庶吉士與知縣教
官俱歷事六科以備用○四川益起命副都御史賈諒
討平之○平江伯陳瑄卒瑄初督海運會通河既浚命
專理河運自儀真至北通州四千里漕河事宜皆經營
創設疏清江浦引水由管蒙湖入鴨陳口以免淮河風
濤之患浚瓜州儀真三填潮港之烟鑿呂梁徐州二洪
以平水勢築浦縣刀陽湖濟寧南旺湖長堤開泰州白
落河以通大江築高郵湖隄內鑿渠亘四十里以通舟
自淮至臨清水勢高下建閘四十有七以時啟閉緣

不勝齊賢
分之法

才既足以
處理復有
勤志相成

河堤種樹鑿井以便夏月行者皆舟楫永遠通行之利
几于事慮之周而為之國初歲運二百萬石後增至五
百萬石國用以饒○巡撫南直隸侍郎周忱奏廣濟農
倉之法○

南畿諸郡蘇州旧稅最重而松江常州次之貧民輸
官及耕作多舉債于昌家而倍納其息至于傾家產
鬻子女不足以償于是民益逃徙而租賦益虧惟至
間民疾苦深以為憂思所以濟之王子秋詣郡歲給
會朝廷命下許以官欽平糴且數借儲積以待賑
恤乃與蘇州知府况鍾松江知府趙豫常州知府莫
愚協謀而力行之蘇州得米三十萬石松江常州有
差分貯于各縣各其餘曰濟農是年夏江南旱極松
饑民凡三百餘萬口盡發糴不足以贍忱乃復思廣
為之備先是各府秋糧當輸者糧長里胥多厚取于
民而不卽輸實地員者累歲忙秋盡章其弊初立法
于水次置場擇人總收而無運馬船民徑自送場不
是月去事錄
卷上
章皇帝

可見饑民
良在民間
願料理之
人如何耳

入里作之毛觀舊所裁三之一。又三時當運糧一百萬石貯南京倉以給北京軍餉月俸計其耗費每用六千致一石耗與鍾等謀曰彼能于南京受俸獨不可受于此乎若干北給之既免勞民且省費六十萬石以入濟農倉最無患矣鍾等皆曰善遂請于朝從之而蘇州得米四十餘萬石益以各場貯積之糧及前平糶所儲凡六十餘萬有奇松常二郡次之他日是不獨濟農允運輸有欠失者亦于此給借陪納秋成如數還官若民大修圩岸濬河道有乏食者皆計口給之如是則免舉債以利燕併之豪農民無失所者田畝治賦稅足矣是冬朝京與其以問朝廷從之于是令諸縣各廣濟農倉貯糧擇縣官之廉公有威于民之賢者掌其籍司其出納每歲抽時之際于中下二等戶內驗其種田多寡每家給與二石一亦給之秋成抵斗還官凡有條約皆從親為規畫之俾邇來州年江南又大旱令諸郡大發濟農倉以賑貸之而民不知饑

○十二月太子太師戶部尚書致仕郭資卒贈湯陰伯

謚忠襄○令天下開津但遇削髮之人捕送原籍治罪如律○陝西進嘉禾勅郡臣勿賀

甲寅宣德九年

正月妖僧李皋謀反伏誅○宴公卿于史館是日天雨時以爲豐年之兆 上喜召輔臣蹇義楊士奇楊榮及六部都察院堂上宴于史館巡撫周忱趙新以議事至亦豫焉凡二十五人○二月開平守將奏邊務數事上舉其可行者付所司施行因謂侍臣曰方今海內小康惟殘虜叛服不常古人制夷狄惟在守備若城堡堅固糧芻充足士卒精練哨瞭嚴謹彼亦何能爲患朕屢

城僅堅固
四字足備
萬年累
之策

能于此處
修便不
遠矣

以此戒飭邊將。但慮其因循玩愒。今春氣漸深。正邊民耕種之時。一或農事妨廢。秋收無望。仰給于轉輸。則勞矣。遂令邊將嚴謹備之。○行在戶部員外郎羅通請令軍民運米開平中納鹽糧從之。○三月戊寅。百官朝皇太子于文華殿。○交趾黎利死。其子麟遣人告喪。獻金人方物。命行人郭濟朱弼往祭。○其肅獻龍馬。○有僧自陳欲化緣修寺。祝延聖壽者。上斥之。既罷。朝。願為侍臣曰。人情莫不欲壽。古之人君若商中宗高宗。祖甲周文王。皆享國綿遠。其時豈有僧道。豈有神僊。之說。秦皇漢武求神僊。梁武帝宋徽宗崇僧道。效驗可

見矣。世之人終不悟甚可歎。

高汝弼曰：極樂西方，逍遙蓬島，人主所極慕，而心能者也。然不能動庸愚之主，而每勸于高明之君，亦不能中高明之君，而每能中于以高明而實庸愚之君。真高明者，洞徹二氏之微，而不溺其教。實庸愚者，一籠二氏之窟，而便附其籍。若梁武帝者，名爲寺奴，豈復曰死，長孫后號爲觀音婢，難、籤、產、亡，至于彭黃之術，更爲妄誕，欲求少大，以長生，皆因陰丹而相，素聖哉。宣廟，世人終不悟之嘆也。即使果可成佛昇仙，試以爲不樂也何也？宋應泰稱佛國人多詭怪，衰露而無衣冠，止有鬼神，與龍居之若人，起至西，左與說怪神，龍同居，何樂之有？世傳王積薪誤到仙家，碁局未終，斧柯已爛，還家世變滄海，夫慕仙祇以快樂，無極長生，又視耳若須臾，便過百年，不知開闢來終幾幾局，碁生亦甚促，舉世痴漢，戀戀不罷，真庸愚其庸愚。

復開平涼府，開城縣，迭烈縣路，陝西西安諸府州歲運糧餉赴甘州、涼州、山丹、永昌諸衛，皆經平涼府隆德縣。

六盤山歇蜚嶺山澗陡絕人力艱難開城縣舊有迭烈縣路黃河平坦直抵甘州諸衛近五百餘里洪武中官置渡船平涼撥軍操濟人以爲便宜如舊開通命布政司給官錢造船平涼華昌二府擇善水者操渡之

大學士楊士奇言于上曰南方運糧至京人力甚艱

而倉廩無閑防奸人盜竊動輒千萬前者就執後者復繼恬無警畏請命風憲關防巡察上從之遂命御史

一員巡視京倉一員巡通州倉一員巡視各處草收一

員巡視甲子等庫一員提督象牛羊等房錢糧一員巡視光祿凡內外官員人等多支食料及需索騷擾者皆

今執奏一年一代至今因之

上巡邊度居庸關獵岔道駐宣府大獵十月上還京
甲申上不豫衛王瞻埏享太廟○上與侍臣論兩晉
侍臣曰晉武懲魏氏奢侈之弊刻薄之政欲矯以恭儉
及平吳之後頗事宴游怠于政事掖庭殆將萬人外戚
用事勢傾內外曾不一傳而禍生閭閻馴致戎羯之亂
元帝繼統江左恭儉有餘明斷不足大業未復禍亂內
興明帝明敏有檢斷故能誅剪兇臣惜其享年不永成
帝以後類皆孱弱寄命于強臣奄奄百有餘年亦爲幸
矣上曰晉武以開創之主不爲遠圖樹立失宜付托

非才，菴胡鮮卑，雜處內郡，而不能以特區處，所以國禍
方殷，而戎寇遽起。東晉僅能守國，逆臣接踵，朝政陵夷，
而猶延數世者，亦以有賢人爲之用也。又曰：古先帝王，
維持天下，以禮教爲本，兩晉風俗淫僻，士習浮薄，先王
之禮樂教化，于是蕩然，豈久安之道哉！

九月車駕巡邊，至洗馬林而還。

陳建曰：宣廟御極，十載巡邊，賜武者四馬，實警肅
人心，振揚威武，飭勵邊防，有賴于此，胡虜所以知畏
而不聲也。

山西霍州學正曹端卒于官。

端，字正夫，河南池人。爲尚理學，教人務躬行實踐，
日事著述，有四書詳說、太極圖通書、西銘釋文、孝經

不用浮屠
四字便是
生平學力

大臣當危
疑之際全
于此持處
機密得定
非老成人
不能

述解性理文集儒家宗統諸家規範存疑錄夜行燭
孝志愉色及遭喪五味不入口寢苦枕塊始終不易
既葬廬墓六年不用浮屠巫覡諸縣上書請毀淫祠
年荒勸賑存河在霍岸十餘年士子皆
服從其教郡人亦皆慕而化稱月川先生
乙卯宣德十年

正月土不豫初三日崩于乾清宮壽三十七時皇

太子方九歲內議頗有欲立長君之說於是浮言籍籍

楊士奇楊榮與英國公張輔入哭臨畢請見皇太子

于文華殿卽叩頭呼萬歲羣臣亦隨呼萬歲浮議乃息

○帝天資英暢豁達大度致孝睦宗思賢求士臨朝蒞

政動容成法勤恤民隱仁惠華孳四方每奏水旱蝗災

皇明去尊錄卷十八 章皇帝 二十三

卽遣馳視賑貸蠲租。聞江南農民困斃。屢屢詢察。減除
田租。人非大過。曲賜保全。慎于用人。博咨獨斷。方岳郡
守。不輕付畀。著令會舉。期在牧民。責課公卿。警箴玩怠。
法司覆上刑名。常垂寬宥。獨懲賊吏。削籍戍邊。少不假
借。法行貴近。政先理化。或言臣下過失。密加詳察。如其
謗誣。疎斥言者。重則嚴懲。用防譏殄。間有直言忤旨。旋
復覺悟。獎遇加隆。嘗謂侍臣曰。君臣一體。貴在乎協。聖
王推心置腹。人樂爲用。若知賢不用。用賢復疑。上下聯
隔。惡在其爲一體也。以故體敬大臣。元弼冢宰。未嘗易
人。當是時。羣賢效用。百姓相安。雖有夷狄盜賊。水旱之

憂不害其為治平也。○初十日壬午，皇太子即皇帝位，改明年元為正統。大赦天下。○時上幼冲，請皇太后垂簾聽政，不許。上乃詔凡朝廷大政，白于太后，然後行。

宣廟崩，賡天時。張太后以國有長君，社稷之福，取襄府金符入內，欲召襄王立之。以二楊學士議不諧而止。恩按二楊當主少國疑之時，而能確然不撓，卒定大謀，以安宗社，無忝大臣之責矣。

少師吏部尚書蹇義卒，年七十三，贈太師，謚忠定。

義為人沈靜和厚，處人無所拂逆，未嘗輕涉一議，傷物。歷事五朝五十餘年，所與坦坦無一日之憂，然性近骨鯁，遇事脂韋，無所屈撓，故王紳議其與時浮沉。李賢譏其依違承順之不暇，切中其為人矣。方之前代，蓋宋之三旨宰相，庸之蘇僕校之流云。

恭上大行 皇帝尊諡曰憲天崇道英明神聖欽文昭
武寬仁純孝章皇帝廟號宣宗 尊聖祖母 皇太后
張氏爲太皇太后 聖母皇后 孫氏爲皇太后○封皇
弟祁鈺爲郕王○命禮部尚書兼翰林學士楊溥復入
內閣叅預機務溥自丁憂起復不入關至是始命復入
○釋前鬱林知州林長懋之囚復其官○釋前監御史
陳祚之囚復其官并釋其家屬先是祚父母皆死于獄
藁葬且未成服祚再上疏乞歸殯終喪制許之○進士
李賢上疏言帝王之道在保赤子黎民禽獸夷狄雖一
視同仁其施也必由親及疎未有赤子不得其所而先

此等事何
家法為三
楊江事何
不書及

兼養禽獸者。今京師。驛官不下萬餘。以俸言之。指押俸
三十五石。而實支一石。驛官則實支十七石五斗。是驛
官一員。當京官十七員半矣。傳曰。朝無倖位。則食之者
寡。此豈倖位之比。况夷狄人面獸心。一旦有警。其勢必
不自安。前代五胡之亂。可不鑒哉。乞斷自宸衷。為萬世
至計。勅兵部漸次出之。于外。不惟省國家萬萬無益之
費。又可以消未萌之患。疏入不報。○楊士奇上言。皇
上肇登寶位。上繼列聖。下統萬邦。必明堯舜禹湯文
武之道。以興唐虞三代之治。去年十月

宣宗皇帝諭臣士奇曰。明年春。朕東宮出。文華殿讀書。

官關意切
私語第一
件亦足
一好疏

凡內外侍從俱用慎擇賢良廉謹之人臣謂此第一事
望陛下留心不幸大行上賓臣未敢遽言然此事至
重伏願山陵畢日早開經筵以進聖學宜預擇講官必
得學識平正言行端謹老成重厚達大體者數人以供
其職及選宮中左右朝夕侍從之人涵養本源輔成德
性疏奏 太皇太后喜○夏五月以王驥爲行在兵部
尚書○加黃福少保叅贊機務留都有文臣叅贊機務
自黃福始福每事先籌定付襄城伯而襄城伯亦敬信
福比視事皆襄城伯處分福不出一語或以爲言福曰
體當如是且汝見守備何嘗一事錯耶

勅三法司錦衣衛刑科凡死罪臨決減三次覆奏待旨明白然後加刑。

高汝栻曰天下久而不息也。惟此生生之氣。通衍無盡耳。王者以之爲治。人之本。要使天下食其不忍之福。否則沐其不忍之心。夫然後用生用殺。皆至德也。自欲事漸煩。或天之所罰。或人之所爲。種種過端。罪狀卽下。大禹之述。寧解臬閹之繩。第情有重輕。法宜平允。猶不得當人失所。從輕使無言。誰能無意出入之。間不可不審此。宜廟有三次奏覆之旨也。雖不能貸死。因以法情有可矜。生囚以命。則又推生之。竊而通之者。昔昭皇帝示刑部等衙門曰。朕于刑罰未嘗敢以喜怒增損。矧等鞠獄之際。當虛心聽察。若不明其情。而在輕重。或迎合朕意。使人含冤抱痛者。朕之所惡。如朕一時過于嫉惡。處法失中。卿等更宜執奏。毋以乖忤爲慮。大哉王言。于今爲烈。三覆奏請。殆法祖宗而引生意。于日長耶。天下可久而不息矣。核按道旂璵言云。大辟獄要轉詳。待報處決。其原發招由。開報來歷。必須終接御史會審情實。部院方爲皇明去弊案。卷八。章皇帝。

本送大理寺審題不然雖遲撫與減刑衙門擬審情
與亦不轉奏則建按固一方刑獄之所寄也凡所問
事發布政司與府州縣者布政司轉詳刑部事發撫
按與按察司分巡道者按察司轉詳都察院按察司
與六部無行凡事皆呈都察院轉
咨內外臺因相聯屬云。

秋八月平羌將軍寧陽侯陳懋鎮守

○九月勅修

宣宗 章皇帝實錄○以陳鎰為右僉都御史鎮守陝

西兼督延寧邊備○以徐瑞為行在兵部右侍郎巡撫

甘肅

縣常州江陰人由吏出身官至兵部尚書

命左副總兵右軍都督府僉事王瑜督理漕運鎮守淮

南先是裏河民運民率僱舟經年往復多失民業周忱

與平江伯議奏民舟至淮安或瓜州水次補給腳價允

與江北衛所衛所漕者出給通關還繳軍民兩益至是
參將吳亮言浙江江西湖廣江南船各回附近水次領
兌南京江北船于瓜淮領兌其淮徐臨德諸倉仍支運
十分之四浙江蕪松等舡各本司府地方領兌不盡者
仍于瓜淮交其北邊一帶如河南彰德府于小灘山東
濟南州縣于濟寧其餘水次倣此是爲兌運。

以太監王振掌司禮監事太皇太后嘗御便殿執政
大臣英國公張輔大學士楊士奇楊榮楊溥尚書胡濙
被肯入朝英宗東立太皇太后顧英宗曰此五人先
朝所簡貽皇帝者有行必與之計非五人所勸贊成者

皇后之言
不熟之干
外乎斬草
除根此言
雖小可以
喻大

不可行也。英宗受命頃間宜太監王振振至俯伏

太皇太后顏色頓異曰汝侍皇帝起居多不律今當賜

汝死女官遂加刃振頸英宗跪為請之諸大臣皆跪

太皇太后曰皇帝年小豈知自古此輩禍人家國多

矣我能聽帝暨諸臣留振此後不可重令干國事也

命司禮監太監王振偕文武大臣閱武于將臺

振山西大同人初侍上于東宮及即位遂命掌司禮

監竇信之每呼為先生而不名所言無不從振遂擅

權作威福時輔臣方議開經筵而振乃導上布武

於是詔振偕諸大臣閱武將臺在朝陽門外近苑集

京營及諸衛武職試騎射而殿最之振奏以隆慶右

衛指揮僉事紀廣為第一遂超陞為都指揮僉事廣

為人尋常庸懦常以衛卒之守居庸者往後開門

遂大見親暱後累官都督鎮朔州將軍鎮守宣府

終